

# Зунттал ХЪАМИ

Хъаннинсса ва кулпатрансса журнал

№ 3 / 2026

Мастер-класс

ИхІсан

СВО

Вагу кІулу хъинссар

*СсихІ дукки, инава ттун  
ккакканишерул*

*Хъинбалартту  
булладу!*

*Позывной «Хан»...*

*Нугъай*



**Сабина ХІусайнова**

*Инсантуран тІалавну бикІан...*

«Женщина Дагестана»  
на лакском языке  
№ 3/2026

**Учредитель:**

Агентство информации и печати  
Республики Дагестан

**Главный редактор**

Х. А. Шапилова j-dag@mail.ru

**Редакционная коллегия:**

**заместитель главного редактора**

С. Х. Булгаева sulgi65@mail.ru

**Ответственный секретарь**

Г. Х. Асадулаева musaeva\_gulnara@mail.ru

**Редактор русского выпуска**

А. М. Бабаева aida-babayeva2012@yandex.ru

**Редактор аварского выпуска**

Б. Ш. Мухидинова bahu4y@mail.ru

**Редактор даргинского выпуска**

П. М. Сүлейманова zehra.fatimat@mail.ru

**Редактор кумыкского выпуска**

П. Х. Хайбуллаева bike-1970@mail.ru

**Редактор лакского выпуска**

А. Ю. Абдурахманова delia25@mail.ru

**Редактор лезгинского выпуска**

Н. Н. Ибрагимовна shikhnabievai981@mail.ru

**Редактор табасаранского выпуска**

С. М. Исрафилова suvaynat@mail.ru

**Корреспонденты:**

А. Тажудинова, В. Ратенкова, Р. Бакидов,  
С. Эмирова

**Художественный редактор**

Г. А. Курбан-Адамова guleymat@mail.ru

**Адрес редакции и издателя:**

367018, Республика Дагестан,  
г. Махачкала, пр-т Насрутдинова, 1а.  
j-dag@mail.ru; zhenshina\_dag@e-dag.ru

Журнал отпечатан в типографии:

ГАУ РД Издательский дом «Дагестан».

г. Махачкала, пр-т Насрутдинова, 1а.

**Телефоны редакции:**

65-00-36, 65-00-37, 65-00-39, 65-00-40.

Официальный сайт

журнала «Женщина Дагестана»:

женщинадагестана.рф

Дата выхода в свет 25.06.2026 г.

Объем: 5,5 усл. печ. л.

Заказ № 0605. Тираж (2635) 316 экз.

Журнал для семейного чтения. Издается с 1957 г.

Выходит на аварском, даргинском, кумыкском,

лакском, лезгинском, русском, табасаранском

языках один раз в два месяца.

Регистрационный номер ПИ № ТУ05-00429 выдан

Управлением Федеральной службы по надзору

в сфере связи, информационных технологий и

массовых коммуникаций по Республике Дагестан.

**Арт-директор** – М. Ю. Моллакаев (MagHazar)

## Журналдануву бумур

- 1 *Дагъусттан – тӀһопандадувусса рӀахӀму-  
цӀимӀи тул жамӀи*
  - 2 Династия  
*Инсантуран тӀалавну бикӀан...*
  - 6 Коллегахъул  
*«На коллективрахъхъун ихтиярду дулав. Багу  
къабайкъунна»*
  - 10 Литературал тул лажин  
*Зунттал арсеру ва душфу*
  - 14 Мастер-класс  
*СсихӀ дукки, инава ттун ккакканишверул*
  - 18 ИхӀсан  
*Хъинбалартту булла ту!*
  - 22 Юбилей  
*Элму тул лахъшиверттайинсса ххулу*
  - 26 ЦӀулушиву  
*ОьрчӀругу – мива хъунимири, так биялсса  
опыт бакъасса*
  - 30 Юбилей  
*Аьла мравунсса ххулу чанна булла ивкӀма*
  - 32 СВО  
*Позывной «Хан»...*
  - 35 Кулпат  
*Вихъулал мичӀахӀан Хамис*
  - 38 1941–1945  
*Хатыннал зангфу*
  - 40 Тарихрал чӀапӀив  
*Дяъви тул виричу, усттар, композитор...*
  - 42 Образование  
*Яла ххирамур наградӀа*
  - 46 Вагу кӀулу хъинсар  
*Нугъай*
  - 48 Элму  
*Ванил дузал дурсса дунял*
  - 52 Криминалданул хаварду  
*ЛитӀунцӀасса дусшивеу*
- POST scriptum**
- 57 Наставники  
*«Семантика совести»:  
путь Лауры Феталиевой*
  - 60 Бизнес-леди  
*«Женщины доказали, что могут руководить  
и компаниями, и целыми странами»*

На обложках:

I – Сабина Гусейнова, заведующая кафедрой анатомии  
человека ДГМУ, доктор медицинских наук, профессор.

III, IV – «Последний звонок». Фоторепортаж

А. Нурмагомедовой



### *Дагъусттан – тһопандалувусса рахӀму-цӀимилул жами*

Гъашинусса инт хъинну дахчунни жухунна, дагъусттан халкъуннахун. Мугъалтту бувккун, ратӀух гъан дурунни чӀярусса шиннардий жура цачӀу дирхъумур. ЧӀявусса кулпатру ливчӀунни ялув магъи дакъа, думуницӀа хъуну. Яла къурчӀимур – ми баларду ялун бивсса ппурттуву цаппара цала язиминнацӀагу хъунни.

Ва ишираву, хъунисса балардал дакъа, щала дуниял махӀаттал дурунни, цалчинми гъантрайва цала ялун бивсса балаллушал баранбал бувккун, цачӀун хъусса жула халкъунналгу.

Барчаллагъри аварийный службарттал зузалтран – миннал, цала жанный рахӀму къабувну, цащава бюхъаймур бувунни агъали балаллуша буруччин.

Ва куцуйсса бала хъунсар тӀий цучӀав акъая, мунияту тӀайлану къахъунсар, агарда ва катастрофалул савартту ва бивсса зараллу щий-бунугу хъусса тахсирдахун жува бичларча. Бачияра тӀайлану мукӀру хъуннуча: дан къабучӀисса кланай къатри даву – му жуйра хъусса айри. мюхчаншиврул ва градостроительстволул низам къадурурчхусса къатраву жува буру квартирартту машин ласлай. Пикри бакъашиврул ва бажар ялтту буклакавил жува буру къакъардал лагма-ялтту яхъанай. Шагърулул квартирардацун нигъ дакъа дазлай

буру балконну, къатри, щаллусса этажругума.

Бачияра ва жуйнма ливксса, цияту жущава жува буруччин бювхъусса балаллул хъхъичӀ дакӀ марцӀну мукӀру хъуннуча, жула увкусса мукъул ва дурсса тӀулул жаваблущиву жуйнна ларсун. Оьрмулул, чӀумул чӀалачӀи бувунни Заннал Къанунгу, Инсантурал цӀакъ дурми жяматрал законнугу ккуччу дуллалаврийну ахир пуч шайшиву.

Вай махъсса цаппара нюжмардал жунма чӀалачӀи бувунни: халкъуннал цашиву – му так чагъарданий чирчхусса политический повесткалул догма дакъар, му бур чӀумул цув бушиву тасттикъ бувсса жула Ватан цӀакъшиврул къала.

На хъунмасса барчаллагъ тӀий бура вай захӀматсса гъантрай ттула чӀивисса улклун кумаг бувцириннахъ циняннахъ. Барчаллагъ зун – жул чӀаххувсса, цила халкъуннахъ аякъа дусса ттул хъун Аьрасатнал республикерттаясса дустал! Барчаллагъ зун, чил билаятирттаяссагу дустал!

Зул хъхъичӀ икрамрай цала алвагъсса бакӀру къус ритлай бур Дагъусттаннал бюхттул зунттурду!

Хамис Шамилова,  
хъунмур редактор



Сабина  
Хусайнова



# Инсантуран тIалавну бикIан...

*Профессор Сабина Тагъировна ХIусайновах вичIи диширча, элмулуву тIайлабацIу шайссар, агарда аьлимчунал кIулишивуртту, так ца сяна-трай гъашиву къадурну, личIи-личIисса элмулул направлениярттацIун дархIуну духъурча, ттизаманнул дунияллул медициналул кIул бувмур цавунма ласлай. Муна мукунсса дунияллух бургаврийн ва бучIан, гъай-гъай, кумаг хъуссар ванил буттаятугу. НасихIатчи, куртIисса кIулишивуртту дусса аьлимчу, пикри-зикри цичIанма гъансса ванил ппу ивкIиссар душнин аьркинсса ххуллийх бачин кумаг буллай – цIу-цIусса энциклопедийсса кIулишивуртту тIалавсса, хъхьичIунмай хъит учинсса ххулу душнин ккаккан буллай.*

## Култат

Сабинал ппу Тагъир Сайдулагъович ХIусайнов ивкIиссар дунияллийх цIа ларгсса аьлимчу. Чирисса Щардал шяравату увксса лакку оьрчIая хъусса Дагъусттаннал здравоохранениялул хъхьичIунсса ишккакку, профессор, инсаннал анатомиялул кафедралул заведующий, стоматологиялул факультетрал декан.

Ванил ниттил, Рукъижат Маммаевнал, къуртал бувссар ДГУ-рал химико-биологический факультет, яла, Жилищный хозяйстволул министерстволлий зийгу бивкIун, цила кулпатрлсса буллай шаппа шябивкIиссар.

Сабина Тагъировнан дакIний бур цала кулпат медициналийн иман дирхъусса бивкIшиву.

– Ттул кIяйгу хъуними уссурвал, мусил медаллу ларгъсса Сахиб ва Сабир, – буслай бур Сабина Тагъировна, – ятIул дипломрацал ДГМИ-рал стоматологиялул факультетгу къуртал бувну, ттизаманнул стоматологиялул хъхьичIунсса специалистътал хъуссар. Ппу куна, гайгу бия элмулухун багъну. Ттунгу элмулул дун-

ял ччимур бан шайсса фантастика-луха лахълан дикIайва, так биялсса захIмат биша. Нагу, жула кулпатрал аьдатрай, школа къуртал бувссар мусил медальданущал. Жунний дия винна ччикунсса личIи-личIисса литература – элмулуссагу, художественныйгу. Жула чIаххуврай луттирдал ттучангу бухъувкун, на школалия нани ххуллий луттирдугу машан ласайссия, ялун багъну ккалан бикIайссияв. Ххирассия литература ва оьрус маз. ЧIяруну ттул сочинениярттал хъхьичIунми кIанттурду бутъайва, классрал хъхьичI гай дуккайва...

## Инсаннал анатомия ...

Сабинал вичIи дишайсса диркIун дур буттал хавардах, хIисав дайсса диркIун дур га цала кIулишивурттал ялув цукун зий уссарив, цуксса чIун гъан дуллай урив инсаннал анатомиялиясса ттизаманнул исследованийрттан, ми цаламур давриву цукун ишла дуллай урив.

– Ганан ччай бия цала учениктал дучIантIимур элмулул категориярттай пикри буллалаву, – буслай бур





Сабина Тагировна. – Ганан ххирая элму ахттар даврих гъира бусса стуентътал. Ганал каялувшиврулу кандидатнал, докторнал диссертацияртту дуручлачисса чъавусса аспирантътуран цала учитель бусравну иклайва, цусса элмулуд направлениерттал хъирив авцусса унутгий.

Мусил медаль ларсёсса Сабина бувххун бур ДГМИ-рал лечебный факультетравун, гагу цала кулпатрал аьдатрай ятлул дипломрашал къуртал бувну бур. Хиял бивклун бур акушер-гинеколог хъун, цила язи дургъусса специальностьрай интернатурагу лавхъун, цаппара шиннардий зий бивклун бур оперативный гинекологиялуд отделениелуду. Кулпатгу хъуну, кйива оьрчал нину хъуну махъгу, хъхъунил дежурствардайнгу занай, зий бивклун бур.

– Ттун ччай бия буттан ккаккан бан, ттуятва буттан лайкёсса душ шаву мурадрай ттушара ччикунсса захъматшивуртту духлан хъунтишиву.

### Элмулуд ххулу...

Цаппара хлаллава Сабина Тагировнан пикри хъуну бур буниялану элмулуду зун, педагогнал пиша язи бугъан.

– Ттун ккаккайва ттула ппу лекциярттайн, докладирттайн, элмийсса конференциярттайн хладур хъанакъисса куц. Миннушал му сайки щала дунияллийх увкессар. Ттунгу ччан бивклуну элмулуд давриву ттуламур клану лякъин. 2003-ку шинал дайдихъулий на бувклёссара Дагмед-академиялуд инсаннал анатомиялуд кафедралийн. Кафедралуд агъаммур направление дия инсаннал лимфатический система ххал дигъаву. Ттул кандидатшиврул диссертациялуд тема дуссия «Морфология лимфоидных образований в стенках желудка при воздействии бальнеологических факторов» тйисса. Мура темалуха гихунмайгу зий, ххуйну дурурччуссия докторшиврул диссертациягу.

Шикку ва зат ххи бан аьркини: жагъылсса аьлимнал кандидатшиврул диссертация дурурччуну дур Москвалив, щала дунияллий машгъурсса ученый-анатом Михаил Сапин каялувчину. Докторшиврулмур – Саратоврай, гиккугу бусса бур гужёсса элмий школа. Ми цинярда шиннардий цила язи дургъусса элмулуд направлениелий зий бивклун бур, ванил давуртту рирщуну дур чъавусса Аьрасатнавуссагу, дазул кьатйувссагу элмий изданиерттай.

С.Т. Хусайнова хъанай бур элмурдал доктор, цаппара учебно-методический пособиертталавтор, инсаннал анатомиялул кафедралул заведующий, А.А.Кадыровлул цанийсса ЧГУ-рал диссертационный советрал член, гистологтурал ва эмбриологтурал анатомиялул научный морфологический обществолул Дагъусттаннайсса отделениелул председатель. Ванил канила бувккун бур боо-нния ливчусса элмийсса статъяртту.

2013-ку шинал Сабина Пагъириовна зун бивкIун бур стоматологический факультетрал, яла – лечебный факультетрал деканнал заместительну.

– Дуккавил процесс тарбиялу-цIунгу бавхIуну бикIан аьркинссар, – тIий бур Сабина Пагъириовна, – вуз-рава уккан аьркинссар так специалист акъача, инсангу, личностьгу.

### *Муданмасса хIакъмур...*

Ттизаманнул жагьилтурал никирая гъалгъа тIий, Сабина Пагъириовна буслай бур хIакъинусса студентътал, хъхьичIвминнах бурувгун, личIисса бушиврия. Жагьилминнан нясив хъуну бур идеологиялул чулуха цалий къабавцIусса замана. ХIакин хъанакъисса инсаннал хасиятраву ядан аьркинссар зунттал законну: аьдильшиву ва цала цува угъаву, цала аьрщи ва ватан ххирашиву, бугъараминнал хIурмат баву, щалва кулпат батIайсса ужагъ буруччаву, ичIалу дуруччаву,

– Даин укун тIун икIайва ттул ппугу. Ттизаманнул аьдатирттавагу къабувккун, традициялий нанимигу дуручлай. Цала билаятрал гражданинну бикIан, мархха-ххун дакъасса, ватан дакъасса, тарих бакъасса инсантурайн кIура къабавну.

Студентътал дакIнийхтунусса ихтилатирттах мюхтажну бур тIий бур Сабина Пагъириовна.

– Ттун чIалай бур студентътуранми аьркинну бушиву, ми луглай бур оьрмулуду цала цукунсса кIану бугъантIиссарив къакIулну. Минनावу чансса бакъар цала мачча-гъаннащал хIалашиву дакъасса, гъанмин-

нал щалва иш бувххун бур миннал диплом ласавривун, цимурца «цай-миннал кунма, багъайсса куццуй» шавривун. БувчIлай бакъар, жагьилтурахъ ва захIматсса заманнай насихIат буслагу аьркиншиву.

– Нагу бура миннан лахъхьин буллай аькылсса буттал ттунма лахъхьин бувмур – традиционныйсса ислам, Заннангу ТIалавмур – мюхтажманан кумаг бан, заэвманаха аякъа дуллан – мури Аллагъу Тааьланалгу ТIалав булдалимур.

### *Хъиризмахъ*

Кулпатрая гъалгъа тIутIийни, ванил цинма ччай бивкIмуния, амма щаллу къавхъмуниягу бувсунни: «ДакIний бур, кулпатрал пикри буссия, буттал ттула чIивима арс АхIмад, хъунмасса тIутIал кацIгу канихъну, школаллийн тIайла укканссар, хъунама арс Вагъаблул хъатIуй къавтIун изанссар, душнил душ ПатIимат ласкъатлудун тIайла букканссар тIий... Къанясив хъунни».

Амма хъуни хъанай бур ттаттал цIа хIурматрай дуруччинсса наслу. Сабина Пагъириовнал арснал Вагъаблул къуртал бувну бур АьФ-лул ПравительстволучIасса финансирттал университет, яхъанай ур Москвалив, зий ур Федеральный казначействолуду. Душ ПатIимат лечебный факультетрал студенткар. Ванин ччай бур цила ттаттал цIа дирзсса клиника тIитIин. ЧIивима арс АхIмад уттигу школаллий дуклай ур. Амма ванин щак бур ваналгу чара бакъа, элмулуха зий, Хусайновхъал династия гихуннайгу дачин данссар тIий.

БучIантIимуния пикри буллай, жула героиня мукIру хъанай бур, кафедралул заведующийсса, студентътал тарбия булаллисса, жяматрал давурттай зузисса цийвагу хъунмасса бурж ва жаваблудшиву душиврий цила учениктурая, врачтурая халкъуннан аьркинсса, миннах аякъа дусса инсантал шавриву...

*Аьйшат Тажудинова*

Камила  
Хамзатова

# МАСТЕРС Н ИХ М





# «На коллективрахъхъун ихтиярду дулав. Багу-къабяйкъунна»

*Агарда оърчИний дачалий инава «цимурцаннувах хІала ухлахисса чИи-ви журналистра тІий» тІуркІу тІий ухъурча, бюхъайсса ина щал-лу-ккурккисса телеканалданул каялувчигу хъун. Му жун кІул хъунни Камила ХІамзатова, РГВК «Дагестандалул» генеральный директор-ная. Мунива бувсуни, щил ци тІурчагу, телевидениелук алхІан кка-лан ттигу чъашиву: жула заманнайгу гъарца чувнал жиплувусса теле-фондалулу 500 информациялул источник бусса традиционныйсса СМИ аьркинура дуссар. Циван? Дуккярача интервью, зува кІул бара. Явара шикку бувчІултраягума бувсун буссар.*

– Бачу бакІрая байбишиннуча: ци-ван язи бугъав журналистнал пиша?

– На язи къабугъав, ттухлу му нитти-бутталли язи бувгъусса. Наварив буссияв ветеринар хъун ччай. Ягу экономическийлувун бухханна тІий – ттул чІавуми дустал тивун бия бухлай. Журналистикалул отделени-елийн на хъаврин бувнура бавкъусса. Ттул нитти-буттал икьрал диркІун дия: на бухлан аьркину бияв кІива факультетравун – экономический ва филологический. Агарда кІиннивун-магу гъарча – цалчинмуниву бацІан. Му даву миннаща бакІуйн дуккан дан хъуну дия. Амма нитти-буттал цала «дукъан дурну» къариртун дия жул къутІи – документру экономический факультетрава махъунмай лавсун.

– Хъинну къаччан бивкІунав?

– Муниву цила плюсругу бивкІун бия: гайннаща хъусса тахсирданий нара манипуляциярду дулан. Гъар-ца чІумал даврий чІал хъуний – ягу чІалхъу мишан дурний – на гайннахъ

учайссия: «Зури ттун укунсса пиша язи бувгъусса».

– Туну, чІявуну багъайвав мукун тІун?

– ЧІявунукъай.

– Цуксса хІаллай бивкІра мукун зий?

– Вана 25 шин ларгун, ттинингу буссара мукунма тІий.

– Цивана нитти-буттан ина журналист хъуну ччисса?

– Дадал учайва на ххуйну чичай куну – маяжанныгу на школалий со-чиненияртту ххуйну чичайссия. Амма на муних къулагъас къадайссия. Яла-гу, чІивиний на дачалий «радиостан-циялий» тІуркІу тІун бикІайссияв: мачча-гъаннавук бухлай, информа-ция датІлай, яла мурхъирайн лавхъун, «гъалгъа тІун» бикІайссияв. Му бия ттул укунмасса хъярч, ниттиннив муниву ттул потенциал (бюхъу-ба-жар) ккавккун бия.

– Ина вила ххуллу байбивхъуну бур кказитрал журналистикалуву.



– Цанакул кунма дакӀний бур: ттул цалчинмур статья бувкссия «Дагестанская панорама» кказитрай. На лавгссияв шанна бувчӀай шарссаничӀан, туну гъарцаннилгу ттухъ бувсуна цила-цила къакру. Ча, хъуна цинма лавхъхъусса критика-лул хавар, шийн вих хъурчагу, явара бувчӀултрайн вих машаванни тӀисса. Цахъис махърив байбивхъура «МК в Дагестане»-луву зун.

– *Туну винна цуми темарду тӀааьн дизайва?*

– На редакциялул заданияртту щаллу дайссия. ХъхъичӀ чичлай бивкӀра уголовный делордая. Хъинну къаччан бивкӀуна Дагъусттаннай хъанахъисса мурдалсса иширттая кӀул хъуну: ттула сиппат цуппа бусса куццуйсса оьрмулунун лиркӀуссаксса иш хъуна.

– *Циван ччан бивкӀуна тележурналистикалухун багъан?*

– Ттул бакъассия чара бакъа телевизонщица хъунна тӀисса пикри. Ттунма къулайний зий буссияв. Кказитравусса га хавар къуртал хъувкун, ттун пикри хъуна зузи кӀану баххана бан. «ТБС-Махачкала»-лий зузисса подругал бувсуна цанма зузалт аьркиншиву. Кказитрал журналистикалия телевизионнымуний зун би-

гъану бивкӀун бакъая. Кказитрай ина бура бусаврил стиль ишла дуллай; ина бура хъусса иширттая буслай. Ишла дуллай бура образру, метафорарду, лащанбавуртту. Телевидениелий ми цимурца суратрал дуллай дур. Текст кутӀасса, чӀюлу бакъасса бикӀан аьркинну бур. Телеграфрал стильданий кунма сакин бувсса. Чун най, ттун мукун зунгу лавхъхъуна.

– *РГВК «Дагестан»-далул хъунмур хъувкун, ина вила хъхъичӀ цукунсса задачартту бивхъуссия?*

– Шанма агъамми задачартту: харжру гъаз бан, материально-технический база ххуй бан ва ремонт дан. Ми циняв задачартту на щаллу бувссар.

– *Хозяйстволлийн багъайми битанну цивппа, творчестволулми задачартту?*

– Му чулуха ттул щалла вихшала коллективрайн дуссия. Творчестволул инсантуращал зузийни, яла агъаммур зат – миннан ресурсгу дуллуну, инава чулухунмай шавури. Лавайсса даражалул контент дузал бавриву миннахун къабахчилачаву. Агарда ина гъунар бусса инсантуран шартӀругу дузал дурну, миннал лагма къагъанарча, «ва дува, тамунийн ка машара» тӀий, результат цуппа бучӀантӀиссар. Цукунсса-дунугу инициативалушчал зузала учӀарча, на учара: «ачу, ххал баннуча», куну. На ччимур идея къамул дара. Жуми чулийн дуккан дару, бургару: дачайвав, къадачайвав? Къадачирчагу хъунма бала къахъунссар. Ци-бунугу, инсаннан бувчӀлай бурхха, цала махъ баллалишиву, кумаг буллалишиву, мунал проект чулийн дуккан дан хӀадурну бушиву. На творчестволул карт-бланш булав щаллунма ттула коллективрахъхъун цихъхъунма, пашмангу къавхъунна.

– *«Ларай лерхсса» проекту дакӀнин дичала.*

– Жул хъхъичӀуннайшивуртту гъарзассар. Махъсса проектирттая учирча, кӀицӀ дан бучӀир «Сердце во-

ина» («Аьраличунал дакI»). Ва хъанай дур видеороликирттал серия, минуву СВО-рал талаталт ва медперсонал буслай буссар цивппа талатаварил зоналийн циван лавгссарив, ци мяъна дуссарив цанна Ватан тIсса, патриотизм тIсса мукъурттиву. Вай бур хъинну дакIнивун буххансса хаварду. Ва проект хъхьичIуннай дуллай жу личIсса захIмат къабивхъуссар, ва цурда «ларгуна халкъуннавун». Му дакъассагу, зрительтуран ххуй дирзунни жул документальный фильмуру.

– *Инава цукунсса кьмат бищувияв телевидениедул бучяIантIимунин, дунияллий цIана ттуршвахъул информациядул источникругу бухъувкун: традиционныйсса СМИ-рдая тIайла хъуну, блогертурайн бияннин?*

– Гъай-гъай, цIана телевидениедул та гуж бакъар, I5 шинал хъхьичI бивкIсса кунмасса. Жугу, цинярда традиционный СМИ-рдугу литIавай-ри дусса тIий бур. Амма жу уттигу сагъну буру, оьрмулул чIалачIи буллай бур жух алхIам ккалан хъинну анавар буклакишиву. ЦIана гъарца телефондалуву 500-ваксса информациядул источникругу бур, инсанталгу му ишираву гъанавиххи хъанай бур. ЧIявучин бувчIлан бивкIуна: цан аьркинну дур хъирив лавсса информация бусласисса источникругу. Мукунсса источникругу хъанай дур традиционныйсса СМИ-рду. Жул бур жула даража кIул буллалисса показатель: му рекламалиясса доходри. Шиная шинайн му доход хъун хъанай дур. Рекламалул телевидениелийн арцу нани дайссар, мунин бувчIлай бунутIий, шикку аудитория гъарзасса бушиву.

– *Цуну зун байбихълахъисса журналистъуран инава цукунсса маслихIат бавияв?*

– Гъарцагу пишалуву, мукунма журналистикалувугу, яла агъамур зат мури – инара дуллалисса даву винна ххирасса душиву. Къаххуй дизлай духъурча даву, му къари-



тан аьркинссар, муния цукунчIавсса мюнпат къабикIантIиссар. Ина брак буккан буллантIиссара. Яла хъинимур – даврияту хIаз ласлан, ххари хъанан. Телевидениелий цала даву хъинну ххирамири зузисса. Махъми шикку лахъи къалагайссар.

– *Ахирданийгу, кIулу ччива, цукунсса хъаннийн ина учара къанкъасса хъамитайпа куну?*

– Ттуца къанкъану учин хъунссар, цавагу цIакъсса хъамитайпа чIивиний мукунмур хъунсса шавкъирай къабивкIссар куну. Оьрмулулли му къанкъа хъун бувсса. Ттун чIивиний ччан бикIайва ичIаллил инсан хъуну, Iо оьрчI тарбия буллан. Амма оьрмулул мукунсса сант къадуллуни. Ттун багъунни оьрчIру мюршисса чIумал шанна даврий зун. Ттул арсан Iо барз хъуну буссия на даврийн бувксса чIумал. Ттуца га няняйн тапшур ан къахъанайтIий бакъача, – ттул дакI му иширая оьттун дуцлай дия, – кулпат ябан аьркинну бунутIий. Ттул цамур ххулу бакъая. Гъаксса ччанссия ттунгу кIукIлусса хъамитайпану бикIан. Амма иш мукун къабагъуна. Ттун цайми хъамигу къанкъа хъаминну мува куццуй шайсса ххан бикIай.

*Итилат буссар Руслан Бакидовлул*





Николай Тихонов

## Зунттал арсру ва душру

Гъашину Аьрасатнаву кӀицӀ лагантий бур цӀанихсса шяирнал, прозаикнал ва публицистнал Николай Тихоновул 130 шин шаврил юбилей. Николай Семенович цимилагу увкӀссар Дагъусттаннайн, хӀайран хъанай ивкӀссар зунттал тӀабиаьтрай ва инсантурай. Ларгмур ттуршшинал 30-ку шиннарди дайдихъуний жула республикалийн увкӀсса чӀумал га кӀул хъуссар партиялуд ва хӀукуматрал машгъурсса ишккакку Ибрагъим МахӀмудовлуьчал, ганал кулпатраьчал Аминатлуьчал ва гайннал аьнтӀикласса, чӀу бюхттулсса II шинавусса душниьчал Резедаьчал. Шинну ларгун махъ, дяъви байбишин гъан хъусса шиннардий, Резеда шар хъуссар Дургели шяравасса (Къарабудахкентулал район) аьралий врач Абусаид Исаевлун, бивзссар Ленинградский областърайн, гикку ивкӀссар ганил лас десантно-штурмовой бригадалуву къуллугъ буллай.

Резеда ва Николай Семенович цӀунил хъуна бавкъуссар 1942-ку шинал блокадалувусса Ленинградрай, Резедал лас гара шинал, жан дяъвилий дуллуну махъ, ккаккан антӀиссар Совет Союзрал Геройнал цӀанин. Н. Тихоновул цала очерк «Дети гор» хас дурну дур Исаевхъал кулпатран. Му рирщуну дур «Ленинградские рассказы» тӀисса писательнал сборникраву.

Дия Ленинградуллаг лагма рургусса кIи. КIичирттаву бия лахъсса марххалттанил бакIурду, гъавалул щатIул гъагъан бувсса чIавхъулттаву, бIавкъусса мурчал гъаз бувну, марххала бичлай бия, къатлуву беса дия пуркIу тIий. Му ппурттуву нуз тIиртIуна, бувххуна духIи-пуршисса душ, кIюлацIасса, куклусса – бувххуна Резеда.

– Зул шиву зунттавусса къатлуву кунмасса иш бур, – увкуна ганил, – чIавхъулттил тийх – марххала, шикку – беса, варсигу, дяркъугу. – Га хъан бивкIуна. – ЦIанарив гъарца кIанайра дур дяркъуча...

– Резеда, ина Ленинградрай ци дуллалиссара, шиккун цукун багъра? – цIуххав на цалчинми а-иялуд мукъурттил хъирив.

– Дуклай буссияв, утти госпитальданий зий бура. Щалва жул кулпат буссар талай. Циняв арантал, цума чув, личIи-личIисса фронтирттай талай бур. Вана нагу лагма рургусса Ленинградрай. Нагу, нинугу буру сайки дачIрасса къатраву, гива циняв эвакуациялий лавгун бур, туну гъарташивугу дурхха жучIа...

– Амма вин, къиблалиясса душнин, укунсса кIинтIул хъинну захIматну бухъунссархха?

– ЦIана къабюхъайссар «захIматну» тIисса махъ бикIан. ЦIана цинянан аьркинссар зун ва ссавурданий бикIан: аьркинмур му бур. На вичIан тIурча циван бувкIссарав бусанна. Жул подъезд аьнт хъанай дакъар, ганивух дворданувун буккан хъанай бур, дворданувусса чапарданува тахтарду дурккун дур... Тамур чулх тIурча бур гараж ва бензин бусса бак. Винма кIуллхха, ччимур бюхъай хъун. Ттигъанну жун жунма ккавккунни налётрал чIумал ракетартту ритлай. Ци-бунугу бан аьркинни.

– Аьркинни ци-бунугу бан, – учав на, – бувчIлай буракъай бунияласса зунттал душ. Амма циванну зу аьралийтурал къатраву яхъаняхъисса?

– Ттул лас фронтрайри, га аьралий хIакинни...

– Ци-и! Ина щар хъуссарав? Хъунмасса хIаллив щар хъуну?

– Бакъар, – увкунни ганил, цахъис начгу дурну, – ттигъанну. Ттул лас хIакин ушивруцIун парашютистгурри. Парашютистътурашчал тIанкIгу дайссар, гай хъингу байссар. Мукун дурхха къулайшиву, дакъарив? Ганаша бюхълай бур мудан гайннашчал икIан, талатавшивугу, парашютрая ххяххайнигу. Ганал значокгу дуссар. Парашютрая цала тIанкI арулцIалийла дурссар.

– Савъсса чув усса ур вил лас! Га зунтталчув урив?

– Ур, жула кIанттавуссар, сивсусса ур цувагу. Жул кулпатраву сикъавсусса бакъассар. ЦIана га чув уссарив къакIудли.

Жул хъунмасса хIал хъуна кIулминная гъалгъа тIий, дултал, зунттурду дакIнин бичлай, яла га лавгуна микIлавчIсса шагърулуд кIичирттавуна гава лехлахисса зунттал душнил бушилиий.

Ялагу жу нажа-мажагъ хъуна-бакъайссияв, ттун чан-чанну тIий кIул хъуна шагърулийсса щалва ганил къянкъа-къурчIисса оьрму – бакъасса чани, щин, ччуччинсса тIама, паёкгу бучIия вирттаварлмур учин, амма мунийну му ххишала хъанай бакъая.

Резеда хъьугу-кынигу зий бия. Хъхъурайсса дежурствардал, захIматсса даврил га аьзав буллай бия, амма цукунчIав Ленинград къабитан ччай бакъая. ЗахIматшивуртту ккаклай аьдатмигума оьсса полярный климатрал гъагъан байва, амма ганил учайва: «На къянкъассара, фронтрайгу бигъану бакъассархха».

Хъярч-махсара буллай, га даин цила дакI хъунмур буллай бикIайва, амма чIалай бия, ганин хъинну захIматну бушиву. ИлтIа хъуна. Лажин къянкъа ларгуна, так яру, хъунисса, лухIисса яру хъхъичIва кунма чаннал бувцIунма бия.

Бусайва нажа-мажагъ шагърулийн бияйсса чагъардая. Миннуй чичлай бия, Щурагъ ахъулсса, ахънилсса дичин кIану бакъа буру тIий. ТачIав



Абусайд Исаев



Резеда Махмудова

дакъачИнсса бакІлахъия хъуну дия. Ганихъ Дагъусттаннайн занабикІу тІий бия. Буслай бия, кІикку яла хъинми дучрайгу бурттий, яла хъинмур ярагъгу канихъну арантал дятъ-вилийн най бушиву, гай тІайлагу буклай хъатІуйн кунма бушиву. Ласная хавар бакъая. Га талай ия цалчинмур гъантлия айивхъуну, цувагу ия ниттилва увсса талатала. Ганал игъа-лагансса чІун дакъассар. Чичлансса мажалгу бакъассар.

Фронтрай тІурча дия ццахханнусса пахъдагъру, му лияйва кІирагу чулу-хасса ттупал жиндралсса бита-ххитавурттал. На уссияв гъалмахчувна-щал бургъил гъили дурсса къанив щяивкІун. Жуяр чансса гилунмай бия арцул пар бусса бяр чІалай. Берё-зардая, ттарлил мурхъирдая ницІал паршсса къанкъ най дия. КъатІрал ялтту чІимучІалт бия лехлай. Лавсун бувкІуна цІусса кказитру. Къабагъуна циняв, ккалай бия.

Цакуну гъалмахчунал увкунни:

– Ванакъай хІакин! АрхІала хІа-кингу, парашютистгу. Цувагу – зунтталчув. Парашютрай ххявххун, талаталтращал архІал увххун ур талатавливун...

– Цукун? – вев учав на. – Яр му Резедал ласри!

– АцІула, – увкунни ганал, – обну махІатталсса зат бурча. Перевязоч-ный пункт хІадур буллай уна, ганайн

щаву дирну дур, цайна цува увкІукун, га кІусса щавущал операцияртту бул-лан ивкІун ур. Виричув уркъай...

– Лахъи мабуллардала, – учав на, – гихунмай ци тІар?

– Ккалай урахха, – увкунни гъал-махчувнал, – яр гания виричу ур! ВичІи дишакъай: цува обттул най уну-ва, ганал операция бувну бур ряха ин-саннай, яла лавсун бувкІун бур ганал дусгу, ганахъ ванал увкуну бивкІун бур, дуснан ци-бунугу хъурча, кумаг цала банна куну. Махъва-махъсса гу-жгу бавтІун, увкуну бур: «Ттул ка хІучІ къучинтІиссар, на вихъхъун махъ бул-луссияхха, ххирама!» Ххаллилну опе-рация бувну бур... – Микку гъалмахчу авцІунни, агъ куну, кказит ттухъхъун булдуни: букки инава...

На буккав: «Ццаххандарансса ди-гъалагру ганал гуж бувтсса орга-низмалуца духІан къархъуну дур. Инструментгу канища итххявххун, вялч куну, ссихІ бухлавгун агъну ур. Виричусса хІакиннал, цала жан къурван дурну, арулва оърму ххассал бувну бур...»

Гихунмай на къабуккав. Кказит тийнмай бишав. Агъ мискин Резедай! Га кыни ттул пикри ганичІан кІу-ра баллайнма бия. Нава шагърулийн занашайхту чара бакъа га лякъинна учав...

Хъунисса дачІрасса къатраву хал-къуннацІа марцІ бувксса, къайгъу





бакъасса кIанттул пахъдагъру дия. Пюрунтру бакъасса чIавхъултту бурглай бия бачIвасса, духхал ттугъ мурчал ккурукки бувсса майданнив. Къатраву цуцIав акъая. Цури цакъаралчинал бувсуна, махъва-махъсса агълу, кIива хъамитайпа, чъянива лавгшиву. Парадный хъулу аьнт бувну бия. Гаксса Резеда буруккин-ттарай бивкIсса гаражрава бувкун най бия автомобилу. Амма га цуппа бакъая. Банмур бакъая.

Пикридавунгу агъну, на уссияв ххуллийх най, щив-щив тIисса снарядиртталгума – райондалийн битлан бивкIуна – ттул пикриду ххиен буллай бакъая. Шаппа ттун лявкъуна муниинин хъхъичIсса чегъардал бакIу, инттуса иширттаяр махъ биян бувсса. КIяласса, някIсса, хъахъисса конвертирттал дянив бия чIивисса чегъар Резедаяссагу.

Га буслай бия цила ца чIивисса шагърулийнсса аьрххияту, гикку гай ниттищал къабивтун бия цала Дагъусттаннайн нани ххуллий бигъалаган. Га бия чичлай: «Жу пахрулий буру, укун инсаннаха аякъа дайсса билаят дунияллий жула бакъа бакъашиврия», – тIий.

На ххарину уссияв, га цинмаа ххирасса зунттавун занабикIлай, амма ласная цичIав къабусаврил махIа-

ттал увнав. Ганин къакIулу бурвав хъумур, ягу му цила дард цила дакI-ниву къюлтI дуллалиссарив? Циванни га, гаксса цIакъсса, дакI къянкъа-сса бунува, Ленинградгу къабивтун лавгсса?

На цал ялагу буквав зунттавасса хIакин Абусаид Исаевлул виричусса бивкIулия бусласисса кказит, цакуну лявкъунни ттунма хъхъичIва хIисав къавхъусса, утти цакуну иттав багъсса ххару.

Щаву дирсса чIумал га ивкIун ур санитарталгу, щаву дирмигу бусса къатлуву, буслай ивкIун ур цала Ленинградрайсса, гичча гъан рязи къавхъусса кулпатрая ва га оьрчIан хъуну бушиврия.

Къянкъассагу, ттюнгъассагу Резеда! Ттухъ танил му иширая къабувсуна. Та цила буттал кIанайн лавгун бур тикку чIивисса зунтталчувнан оьрму булун, кIанаяту хъуншиврул, цала шу куна къучагъсса ва нину куна нигъ дакъасса, цала ватандалул чIарав ацIан хIадурсса виричу.

ТIайлабацIу яла къагъаннав Дагъусттанная, зунчалусса зунттал бакIая ва някIсса ттурулавусса дарардая, ххаллилсса, дакIгу, рухIгу къянкъа-сса кIайннал арсурваврая ва душварая!

*ХIадур бувссап Алав Аьлиев*

Пати  
Рамазанова



# СсихІ дукки, инава ТТун ккакканшиврул

*Пати Казихановна Рамазанова бур республикалий машгурса махъ лахъаврил усттар. Ухсавнил Кавказрайсса институтрал (ВГУЮ) гуманитар дисциплинадал кафедраул заведующийну зий, ва бур чялиш бувккун Дагъусттаннай ораторшиврул искусство машгур дуллай. Ттигъанну тІурча ванил цилалу бачин бувну бур пасихІ гъалгъалул (красноречиялул) курс. Ванил клиентътураву бур политиктал, юристътал, бизнесментал ва цала чІу, гъалгъа итххяххан бан ччисса цумацагу инсан!*

– *Та машхул хъура ина ораторнал усттаршиврухун?*

– Цалчин учивияв, ттун талихІ хъуссар Дагъусттаннал паччахІлугърал университетрал филологиялул факультетрай ххаллисса образование ласун, куну. КъабучІир учин жухъ «лекцияртту ккалай бия» куну – ми бия алимтурал, цала пишалул усттартурал махъ лахъавуртту – Лира Ивановна Мегаевал, Ума Садииковна АхІмадовал, Николай Алексеевич Горбанёвлул. Даки дарцІуну учивияв: специалист хІисаврай ттун яла хъунмур затну чІалай бур цакъсса академический гъану бушиву, мунил кумаг буллай бур махъ бусаврил усттаршивруха зун, му гъарца чулуха ххал бигълан.

Риторикалуха тІурча на зун бивкІссара Всероссийский государственный юстициялул университетрал Ухсавнил Кавказрайсса институтраву зузисса чІумал. Бюхъай буккултрал учин: «Юристътурахъхъун лавгсса жазиралий циривав филологнал дайсса?» – куну.

– *Тайннавун цихра эшкы рутан?*

– Мугу къаобккир (хъян бикІай). Амма хъхъичІва-хъхъичІрив – мукъух эшкы рутан, мукъувусса гужирал аьламат ккаккан дан, му, цил

кумаграйну чанма-чанну аудитория канихъхъун ласун шайсса гуж, цахъхъунма ласунсса ярагъ булун ...

– *Ттун кІулсса ксса, ина хъуну бура вила вузраву судрал ораторшиврул искусстволул конкурс даврил организатор ва гъавас буту. Му ккаккан бувуна ТВ-лийгу «Человек и право» тІисса передачалул форматрай.*

– Тайлассар. Бакирай ми бясли буквавуртту дуссия вузрал вивсса мероприятиярттуну, амма яла Багъавдин МахІаммадович МахІаммадовул, та чІумалсса жул руководительнал, маслихат бувуна ми региондалул даражалий дуллан, мукун хъугу хъуна. Цанагу жу оьрчІру хІадур буллайнма буру, уттирив – Ростоврай хъанахъисса выступлениеярттайн. Цанасса жул директорнал, ХІусейн Багъавдиновичлулгу, ми ххаллисса традицияртту гихуннайгу дачин дуллай ур, му ур Дагъусттаннал правовой образованиелул амбассадор, гъарца цІусса давурттаву студентътурангу, ттунгу хъунмасса кумаг буллай ур. Хъама къабитай цуксса хъунмасса аваза бувкссарив цалчинмур судебный турнирдания – чІявусса студентътуран ччан бивкІуна цала гъунар ккаккан бан.





**–Миннава урив цу-унугу яла махъ машгър хъсса?**

ДакІний бур чІавасса Саида ЛухІе-ва, на му хІадур буллаи буссияв международный конкурсрайн. Та чІумал ттул ученица чІалачІи бувуна цуппа ххаллисса оратор бушиву, яла хъхъичІунми шамуннал сияхІравун бувххуна. ХІакыну Саида бур Дагъ-сттаннайгу, къатІувгу цІа дурксса блогер, мунил сакин бувну бур «Финансовая свобода» тІисса школа, Саидан дакІний дур цуппа «Гъалгъа тІун» бивкІсса ва цІа чІу цайминнан бавсса чІунгу.

**–ТІун кІулли ина бушиву Республикал сахІналий текст буккул-трал студенческий конкурсрал организаторгу.**

–Ди, му жу дайссар ДР-лул Культурал министрстволушчал ва Поэзиялул театрданушчал пачІуну. Мунил кумаг буллалиссар поэзиялул искусство машгър дуллан, жула литературал ирсирал хІурмат мунил гъаз буллалиссар, цивппа творчестволул чулуха итххяххан ччиминнан кумаг буллалиссар.

**–Университетраву дикІайвав риторикалул дарсру?**

–ХІайп, къадикІайва (Пати Казихановна дуклай бивкІссар 1995–2000 шиннарлий – ред. примеч.). Му дисциплина жула билаятрай хъунмасса хІаллай диркІссар къадагъалулу, му лахъхъин дуллаи диркІссар так личІисса инсантуран – хасъсса политический даврин хІадур буллалиминнан.

**– Ораторнал искусстволул курс бачин бансса гъира вивун студентъ-турацалсса даврил бувтунав?**

– Вилмур суалданун жаваб укун дулунна: нава авторсса проект дачин дан тІун пикри хъуна чІявусса студентъталгу, тІунма кІулсса инсанталгу тІучІанма букІлан бивкІун махъ – тІуятува ва тІула хъхъичІмур даврия кІулми.

– Ина му пишалуцІун дархІуну ххишаласса дуккавугу дурсарив?

Гъай-гъайкъай. ТІувунма чІун-чІумуй самозванецнал синдром бухлай бунугу, тІун бувчІлай бия: аьркинни пишалул хасъсса кІулшивуртту ххи дан. ТІун яла хъунмур пахругу бур

ттула отличиедушалесса дипломрая – на му лавсѣссар жула билаятрай ца дусса Ораторнал искусстволул школа «Король говорит» кѣуртал бувну.

**– Вила курсифал халхиву ина цукун зий бура?**

– Махлачкѣалалив на дарсру дишара Кѣлшивурттал кѣатраву (Дом знаний). Программа дур ца зурул мутталайсса. Му цурдагу сакин дурну дуссар хѣунмур чѣун теориялун дакѣача, практикалун гѣан дансса куццуй – масала, ссикл ласаврил ва артикуляциялун упражнениарттан, миннул чѣу тлитин байссар. Мунийну бигѣа шайссар махѣ лахѣайни цува тархѣанну чѣалан.

Ттун тѣаѣнну бикѣай дуккаву кѣуртал хѣувкун ттула учениктурал чѣурду баххана хѣушиву чѣалай – гайннал ихтилат бикѣай дакл дарцѣусса, бувчѣинсса, лахѣсса. Жу лахѣлай буру чѣунил тембрданул ялув бацѣлан, калимартту дурчѣинну, дюхханну зумух ласлан. Бакѣрай цаппараннан цала аудиохавардах вичѣи дишинмагу чѣай кѣабивкѣнугу, яларив гѣира-рай цахра вичѣи дишай, камералул хѣхѣичѣ хѣучѣ бакѣа бацѣлан бикѣай. Мукун хѣит увкуну махѣгу, на миннан маслихѣат бара низам кѣлуну, цала гѣалгѣалул ялув бавчѣлнма бикѣлан. Курсру кѣуртал баврийну цимурца кѣуртал кѣашайссар, гихунмай гай цившпагу зун аѣркинссар.

Ялагу на бура социальный сетирдавугу зий, публичный выступлениарттал лайфхакру дишара, цаймигу бур затру.

**– Ина увкунни гѣалгѣатѣиманащасивсуну махѣ бусан кѣашаврил проблемалия. Мунил савав ссавури дусса?**

– Хѣунмурчѣин, му хѣанай дурнигѣа бусаву, мунил сававрттугу личѣи-личѣисса дикѣай. Жува циняв мюрцину бивкѣссарухха. Цуксса хѣайпнугу, гѣарманан бакѣархха баллай дакл хѣун дуллалисса махѣру: «Вища цимурца бюхѣантѣиссар». Цаппараннахѣ укунгу тѣлун бикѣай: «Тти инагу ссавух хѣала ухлай ура?

Паракѣатну щаяикѣу, хѣхѣичѣлун маххѣларда».

**– Виламур практикалуву хѣуссарив мукунсса кѣанкѣашиверул мисал?**

– Колледжравусса ттул ца студентка маз бахчилачѣисса бия, мунияту на гания тѣлав кѣабайссѣа скороговоркартту учаву – на ми булайссар риторикалул дарсидай. Га ламус хѣанай бикѣайва халкѣуннал хѣхѣичѣ махѣ лахѣангу, мунияту ккаккан дурсса чѣумал бучѣайва отработкарттал дарсирдаингу. Амма цакуну ганинччан бивкѣлуна ттучѣа ораторнал искусстволул курс буккин. На цахѣис гѣанавиххѣи хѣунав, цанчирча, му бигѣасса зат бакѣая – мунил мазрал дѣялсса дефект дѣя. Амма ттул студенткал муксса хѣуннасса даву дурнахха! Жу буссѣяв ссикл ласаврил практикарттаха зий, чѣун наниссаксѣа душница бювхѣуна скороговоркаттугу зумух ласлан, маз бахчилачавугу, дура-духкѣалагарчагу, ганил гѣалгѣалува чан хѣуна.

– Вила дарс дишаврил программалува цукунсса личѣишиву кѣицѣ лаган хѣунссар?

– На хѣларачат буллай бура ттула циняв учениктурал луттирду ккалаккаву ххира дан. Кѣагѣассар так дакл дацѣаву, харизма душиву, личѣи-личѣисса ораторшиврул «фишкарду» кѣлшиву. Хѣиннува хѣинссар лахѣну ккаларча. Зунма зувагу бувчѣлан бикѣайссару, дунѣялгу дурчѣлан дикѣайссар.

**– Ораторнал искусство так халкѣуннал хѣхѣичѣ махѣ лахѣайминнан-нив аѣркинсса?**

– Дакѣаркѣай. Нигѣ дакѣа, пасикѣлну махѣ бусан кѣлшиву, виламур пикри аѣч бан, муний бацѣлан кѣлшиву аѣркинссар карьералува бакѣасса, щалвава оѣрмулувугу.

«Зунттал хѣами» журналданул буккултрахѣ учин чѣай бура: зуйнма зува щак-щук матѣри, нигѣа мабусларди, зула бюхѣурду ссуссукуѣу мабуларди! Махѣ бусса зухѣри!

*Аида Бабаева*





Сидрат  
Аълибегова



# Хъинбалартту буллалу!

*Дагъусттаннай гъарца кІанай бур цала лагмаминнан хъинбалартту буллан хІадурсса инсантал. Бур миннаву гъанминналсса дакъасса, архминнал дакІругу ххари дуллалыми. Сидрат Аблибеговагу мукунминнавасса ца бур. Ва бур хІурмат бусса педагог, «Альтаир» центрданул методист, шанма оърчІал нину. Ялагу ва бур дакІ хъинсса, исансса инсан, методист, ванил щалва оърмува чІалай бур кумаграл ва аякъалул щарацину. Ванищал хъунабакъаву шай цила хІакъсса дагъусттан рухІирая гъава щусса кунмасса ишну: мукун хъамал ххирасса, рахІму-цІимилул дакІ дурицІусса инсан бур ва.*

Вана ва ттул хъхъичІ щябивкІун, хъис дакІ хъун дакъасса, кІукІлуну я битайсса, ваниву бувагу бакъасса хханссар га гъарца кыни цила давриву бихълахъисса гуж. Амма ва цила оърмулия, даврия, «Дари добро Дагестан» тІисса волонтертурал группалия буслан бикІайхту, гацІана чІалан бикІай вила хъхъичІ хъинну гуж бусса хъамитайпа бушиву. Ванил ка цимурцаннул хъириг лаллай дур: оърчІру хъуни буллангу, дарсру дихълангу, захІматшиврувун багъминнан чумартну кумаг буллангу. МуницІун ва цила хІакъсса хъамитайпанувагу личІлай бур.

Сидрат бувну бур Батлаич тІисса чІирисса зунттал шяраву. Шиккусса оърму най бур тІабиаътрацІун бавкъуну, шикку захІматралгу, тІайлашиврулгу къадру хъунмасса бур. Шикку, зунттал вив ласъсса кІанай, лаларсун дур ванил цила цалчинмур оърмулул дарс: даву дуллай бурав – дурну къуртал дува, махъ буллай бухъурча – му бацІан бува. «Зунттаву циняннахъ дишай мукунсса дарс», – учай ванил. Ва дарс хъуну дур ванил оърмулул компасну.

Педагогика Сидратлун Занналва буллусса гъунар бур. «Ттун оърчІаха чІалачІин дакъассар», – тІий бур

ва. Вай мукъурттил махъгу дур образованиелуву зузисса 25 шин, минувату 18 хас дурну «Альтаир» центрданун. Му даву дайдирихъуну дур туристътурал кружокрая, утти ва бур чувшиврул дарсру дихълай, геройтуращалсса, СВО-лул гъурттучи-туращалсса хъунабакъавуртту сакин дуллай, слетру ва конференцияртту датІлай. Яла-яларив – ванища бяхълай бур оърчІаву чаннал пар лахъанбан, ванил оърчІан лахъхъин буллай бур цала тарихрал, кІанттул, культуралул къадру кІулну бикІан. «ОърчІан кІулну бикІан аьркинссар цува ляхъхъусса кІану, – тІий бур Сидрат. – Туризм – му так ялундукІу хъун даву дакъархха, му оърмулул школар». Ва бур оърчІан лахъхъин буллай хІатІру бичин, лагма-ялттусса кІанттул хІисав ласлан, медициналул цалчинмур кумаг буллан, жаваблувну, лагмаминнащал бавкъуну занакъуду хъанан. Гъаннайсса, вайннан оърму бутлан лахъхъин буллай бур.

Гъарица цІакъсса инсаннал махъ вихшаласса ттиликІгу дикІайссар. Сидратлун мукунсса ттиликІ хъуну ур цила лас. «Га акъассания, ттуща цимурцаннулсса буллан къахъунссия, – барчаллагърай тІий бур ва. – Га ур вихшала дишинсса, даин чІаравсса



кумагчи. Мукъуйнугу дакІ дай. Иширайну чІарав ацІангу махъунай къашай». Вайннал оьрчІругу хъуни хъанай бур цивппа ххирасса къушлий.

«ЖучІа армиялуву кунмасса иш бур», – хъян бикІай Сидрат. Ва «армиялуву» яла агъаммур затгу куннал куннахсса аякъа дур. Результатругу ххуйсса бур: лявма арсенал ниттил ххуллу бувгъуну бур, инсантуран кумаг буллай, волонтерстволух медаллу ларсун дур. Чивима арс гьуртту хъанай ур «Наследники Дари Добро Дагестан» тІисса движениелуву.

Волонтертурал группа «Дари Добро Дагестан» сакин бансса пикри хъуну бур пандемиялул чІумал, инсантал изоляциялуву ливчІукун, кумаграхсса мюхтажшиву хъун хъувкун. Группалул историялуву личІисса кІану бувгъуну бур Губденнал шяраватусса НурмаІаммад Таймасовлул. Ганал-

ли захІматсса ишираву Сидратлукх миннат бувсса мюхтажминнан кумаг бансса группа тІитІа куну. Командалуву га ккалли уллай бур «Дари Добро Дагестан» группалул гъану бивзминнавасса цану.

Пандемиялул чІумал Сидрат бивкІун бур цинма WhatsApp-райхчІин гъан бувсса дарурттал ва дукиялул пакетиртташал шагьрулувух занай, гай адресирттай биян буллай. «Полицейскил на бацІан буллай, цІухлан икІайва: «Инава къашай хъун нигъа къабусарав?» – тІий. Нагу учайссия: «Инсантал къашавай бур. Гайннан кумаг аьркинну бур. Къашай хьурча, Аллагънал на буруччинтІиссара», – куну.

Циняв ичІувами тай гъантрай дада оьмуния Заннал дуруччиннав тІий, дуаьлий бивкІун бур. «На хъинну нигъа бувсун буссияв, дада ковидрал

къашай къахъун. Мунил укунна-гу цѳулдушиву цѳакъсса дакъассар, мунища му цѳусса азар духІан къахъунтІиссар. На буссияв Заннайн дуаълий, га оьккисса азардания дада дуручча, на цѳѳав ххира къадан-на мунил цѳаний тІий». Яла пикри бувссия: цѳѳав ххира къадан – му цукунни? Ялагу чІа учав, нудру бав: «Я Аллагъ, ттул ниттІий цѳими биша, ттула думунил дачІи на дулунна мюх-тажминнан, так ххассал дува ттул дада!» Дада къашай къархъуна. Га дия Заннал цѳимилулу. Мукун ляхъуссар девиз «Дари Добро»: «Вила думунил дачІи цадакъалун!» – буслай бур Сидрат.

ХІакъину «Дари Добро Дагестан» – му дур хъуннасса, куннащал кув бавкъусса инсантурал команда, мунивун къамул бай так дакъІнийхтуну кумаг буллан чѳими. Хъами бур посылкартту датІлай, арантал бур ми цал-цала адресирттай диян дуллай. Гъарца нюжмардий дачІлай бур дукия, даруртту, техника, гъилисса янна. «Цалчинмур шинал на цимурца нара дайссия, хъинну буххайвав, – тІий бур Сидрат – утти ттул дур ххаллилсса команда. На бура так ка-ялудшиву дуллай, цимурца гайннал цачІу дайссар».

Яла захІматмур зат бикІай къашавайсса оьрчІал иттав бурган, ссувайсса къари-къужрал дард чІалан, – Сидратлул чІунил зурзу учай. – Гай вийн хъямала багъантІиссар, цѳухлантІиссар: «Мяйжаннугу ливчІун буссарив дуняллий укунсса инсантал?» – тІий. Амма бикІай ххарисса лахІзардугу: СВО-лул зоналия занабивкІсса вирттавращал хъуна бакъаву, гайннал ниттихъан сюрпризру баву, хъунмасса хІаллай азарханардаву бивкІсса хъами хъин хъуну шаппай зана шаву. «Муна мукунсса къинирдал цѳаний ччан бикІай зунгу, дуняллий оьрму бутлангу», – пиш тІий бур Сидрат.

Ванил дакъІниву личІисса кІану бувгъуну бур ПаластІиннал халкъун-

нан кумаг баврил. Ванилххх Дагъусттаннай цалчин, ПалестІиннаву дяъви яла къизгъинсса чІумал, гайннан кумаграл ка тІиртІусса! «Цѳѳав вихну акъая, му зат бан бюхъансар тІий, – буслай бур ва. – На буссияв миннатру буллай занай: «Кумаг бувара инсантуран, гай литІлай бур, хІачІан щин дакъа бур!» – тІий. Га бивкІун бур арцу датІлай занай – 5, 10 къуруш – гайннух лавсун, тІайла дуклай бивкІун бур щин, ччатІ, булкарду. Гъарца харж дурсса кІапикІ ганил сияхІрайн ласайсса диркІун дур: цуманал циксса дуллуссарив ва кумаг цукун биян бувссарив бусласисса чичрурду дур. ВолонтѳртурайхчІин Газа секторданийн гуманитар кумаг гъан буллай бивкІун бур. ПаластІин Дагъусттаннайн бувкІукун, гайннал хъхъичІун буклай, кІул хъанай, чІарав бацІлай бивкІун бур, хІакъинугу гайннан кумаг буллайнама бур.

Дагъусттаннал шяиртал бур рахІ-му-цѳимилул дакъІ дурцѳусса Сидратлуя назмурду чичлай. Яру мазрайссагу, оьрус мазрайссагу назмурдал ххуттардиву Сидрат лащан буллай бур цѳансса оьрмулуву парх увкусса чаннал тІимулуха, гъарцаннал мякъ лиххан байсса зунттал щаращуха.

Сидратлул кабинетрал чІирттай лархъун дур чІярусса наградартту: медаль «ДР-лул общий образованиелул бусравсса зузала», «Честь и слава Дагестана», «Матери России», «За любовь к Отчизне» ва цѳимигу. Амма ванин цѳала дуллагимур личІисса давуну чІалай дакъар. «СВО дайдирхъусса цалчинми гъантрайва жу оьнма къабивкІссару, хъхъу-къини къакуну жула талаталтран кумаг буллай бивкІссару. Жу дуллагимур хІисав хъуна. Цѳарду ва наградартту – му дур так лишан: зузу, му чІумал вил захІматран кыматгу бищунтІиссар. Ина хъинбалдарансса даву дуллай бухъурча, вил даврицІун мудан Аллагъналгу кабакъинтІиссар».

*Саният Эмирова*



Узлипат  
Хасанова



# Элмул лахъшивурттайнсса ххуллу

*Августрай цила ххаллилсса юбилей хъуна дакълай бур Узлипат Усмановна Хасанова, филологиялул элмурдал доктор, ДГУ-рал ва Всероссийский государственный юстициялул университетрал Северо-Кавказский институтрал профессор, ДР-лул образованиелул лайкъ хъусса зузала, Халкъуннал Собраниелул депутат. Ххаллилсса аьлимщар бушивруцун, ва бур авурсса, ябацансса хъамитайпагу, ласнан бусравсса култат, шанма оьрчIал нину ва шанма дуинил амудада.*

Узлипат Хасанова бувну бур ДАС-СР-данул Къайтагбуллал райондалийсса Кирцик тIисса шяраву. ОьрчIшиву ларгун дур шяраваллил кIанай, ниттил мазгу, аьдатру ва культурагу халкъуннал оьрмулул гъанурдуну хъанахъиний. Шикку ниттил маз баллай бур цила тIабиаьтрал ххуллий – инсантурал гъалгъалуву, балайрдаву, кулпатрал бусаларттаву, магъраву. Бюхъай мунияту чантI увкуну бикIан ваниву ниттил мазрал чулухунмайсса гъира.

1983 цила райондалийсса Шилягинский дянивмур школагу къуртал бувну, ва бувххун бур ДГУ-рал филфакравун. Дуклакисса шиннардий ванин бувчIуну бур цуппа ссаха зун аьркинссарив. Вуз къуртал бувну махъ тIайла бувккун бур Шилягиял школалий зун, 2 шинай оьрус мазрал ва дарги мазрал дарсру дихълай бивкIун бур. 1990-ку шинал бувххун бур аспирантуралувун, зун бивкIун бур хъхъичIарасса чичрулул памятникирттаха, исторический языкознаниелул методиртташчал кIул хъанай. ЧIадан бивкIун бур цуппа гихунмай зунтIисса ххуллу.

Узлипат Усмановнал университетраву дарсру дихълай чIярусса шинну ларгун дур. Ванил лекциярттал студентътуран ккаккан дуллай дур ниттил мазрал ххуйшивуртту, вай кIул хъанай бур языкознаниелул гъанурдашчал. Элмулул ва педагогикалул ххуллийсса ванил даврин багъайсса кымат бивщуну бур: ва бур ДГУ-лувусса «Бесписьменные языки народов Дагестана» тIисса научно-исследовательский лабораториялул заведующий, дагъусттан мазурдил кафедралул ва ВГУЮ СКФ МЮ-рал социально-гуманитарный дисциплинардал кафедралул профессор. Ва бур диссертационный советирттал, элмийсса журналлал редколлегиярттал член. АрхIал зуминнан ва студентътуран хIисав хъуну дур элмулул ххуллийсса ванил къянкъашиву ва инсантуруащалсса арардаву салихIшиву. Вайннал кафедралий мудангу бур личIисса атмосфера: кыматрай дур инициатива, гъарцаннал махъ ккаллину бур, кIулну бур элму – му титуллал хъирив багъаву дакъашиву, циняннал бавкъуну, тIайламуних луглагаву душиву.





Элмудуха зузиминнаву къачІявуну хъуна бакъай цала давугу ххирасса, пикригу куртІсса, дақІгу чумартсса инсантал. КІира шин хъуну дур цила буттал шыравусса школадул яла хъхъичІунми выпускниктуран Узлипатлул цила чулухасса стипендия бивхъуну. Ва насихІатчІсса исследовательнал щаллусса ник хъуну дур. ХІазран бакъар ванил выпускниктураву тамансса элмудул кандидатътал ва доктортал бусса.

Узлипат ХІасанова хъанай бур І80-нния лирчусса публикациярттал автор. Ва гьуртту хъуну бур дунял-лул элмийсса конференциярттаву, конгрессирттай, симпозиумирттай – Стамбуллай, Ттуплислив, Бакуй, Московлив, Майкопрай, Пятигорскалий, Грозныйлий ...

Элмудул бакІайнсса ххуллу тачІавгу бигъасса къабикІайссар. Мунин аьркинссар, аькьулуцІун ва захІматрацІун, хъхъичІунмай хъита тІунсса чувшивугу, хІадурсса жаваб дакъасса суаллу бихълансса сисавугу, тІайла-муний къянкъану бацІансса биялагу.

Узлипат ХІасановал давурттаву бур сборникру «Хайдакъуллал магъри», «Даргиял учаларттал ва лувлякъурттал сборник» оьрус мазрайнсса таржумарттугу бусса. Дур монографияртту – «Наречие в даргинском языке», «Кайтаг и кайтагцы». Махъмур даву лайкъ хъуну дур «Лучшая книга в гуманитарной сфере – 2017» тІисса Международный конкурсрай лауреатнал дипломран. «Фразеологический словарь даргинского языка» ва цаймигу давуртту жула элмудуву бивхъусса чІалачІисса захІматирттан ккаллину дур.

У. ХІасановал элмийсса давуртту дагъну дур ттизаманнул исследованиеирттал гъанулувун. Амма ванил бувмунил агъамшиву так рирщусса давурттаву дакъассар. Миннул чІалачІи буллай бур проблема ххал дигъин аьркинсса куцгу, лахъхъин буллай бур анализ дангу, нигъа къабувсун захІматсса задачартту цала хъхъичІ бишингу.

– Ци бур ттизаманнул элмудуву инава азурда буллалимур?



– На азурда буллай бура ттисса жагъилми элмудучлан клунку тий бакъашиврул. Бюхъай му бавхлуну биклан му сфералуву харжру мюр-щисса бушивруцун. Миллатирттал мазру машгъур баврил цланий жу ур-такътурашал итабакъарду уникаль-ныйсса сборник, муниву дуссар 14 Дагъусттаннал мазурдийсса гъану-ми калимартту ва предложениертту. Мунил презентация хас дурну дуссия Аьрасатнал Халкъуннал Шинан ва Ниттил мазурдил къинилун.

Элмудул ккураннал къатлув Узлип-пат Хасанова клулну бур дакI гьар-тасса инсан хIисаврай. Хъунмасса клану бувгъуну бур ванил республи-калул общественно-политический давривугу. «Циван ччан бивклри вин депутат хъун?» – тIисса суалданун ванил жаваб дулунни, цила ляхъу кланттул агъалийнал буруккинттая архну бацлан къашай куну.

Халкъуннал Собраниелул депу-татну хъусса кIира шинал мутталий на зий бура СВО-рал талаталтран гуманитар кумаг батIаврил даври-ву. ТIайла дуккав мукъра гуманитар груз: Курский, Белгородский, Луган-ский ва Запорожский областирттайн. «Вип-Кулинария» тIисса кулинар-ный школалул базалий на сакин дав СВО-ран маскировочный сеткартту щащайсса площадкагу. Ттул ласнал АьлихIажинал гайннунсса станокру цала бувунни. Мукунма жун кумаг буллай бур волонтертал: студентътал, журналистътал, артистътал, медсе-страхъул, пенсионертал. Ттун клий-ла барчаллагърал чагъар бувклунни СВО-рал командованиелул чулуха.

– ЛичIайрив вил даврия тархъан-сса чIунгу?

– КъаличIай чин багълай бур. Ттул ссихI бигъинсса мажал бур так кул-патраву. Жул, даин ттул чIаравсса ласнал АьлихIажинал ва ттул, шан-ма оьрчI бур. Хъунмур душ Лайла юристри, ДГУ-рал аспирантура був-ккуссар, кандидатнал диссертация

дуруччин хIадур хъанай бур. Чивимур душнил Зумрутлул Астраханнай медициналул институт отличнийну къуртал бувссар, яла Москвалив Н.И. Пироговлул цланийсса РНИМУ-рал ординатурагу. Яхъанай бур Москва-лив, хIакинну зий бур. Арс МахIам-мад юридический факультетрал сту-дентри. Ттул шанма душнил-душгу буссар, – пиш тIий бур Узлипат Усма-новна.

Узлипат Хасановаща цила оьр-чIайнгу биян бан бювхъуну бур клулшивурттахсса ирсирай нани-сса гъира, захIмат ххирашиву, дакI хъиншиву. Вайннал ужагърай мудан дур куннал куннахсса аякъа, куннан кув бувчIаву.

– Шаппа щябиклан мажал хъусса чIумал, на къайтагъуллал гулавати щашлан бикIара – му бур бикIайкун-сса релакс. Ттун гулавати щащангу клулли, клулли, хъуниминная бавну, миннул символлу ва знакру лаласун-гу, – буслай жула героиня.

Амудада хъувкун, Узлипат Усма-новнал гъунар цамур чулухалугу аьлтту хъуну бур. Вайннан амудада аьлим ва депутат бакъарча, хъинсса ссихIирчи бур – караматсса магъригу бусайсса, нахIусса даргиял чуттур-дугу байсса. Ляхъай чIун вайннал тIуркIурду банссагу. Амул маслихIа-тирттал душваран кумаг буллай бур цала оьрмудул ххуллий цалчинми шаттирду ласун.

Ссалли Узлипат Хасанова укун ляличIи буллалисса? Бюхъай ваниву хIала бувххун биклан цачIу нажагъ дакъа хъуна къадакъайсса, куртIну пикри бан клулсса аькълу ва дакI хъун дакъашивугу, салихIшиву ва къянкъашивугу, ми цирдагу – авур-сса, оькки-ххуй личи бан клулсса хъамитайпалул гъайбатраву дирхъу-ну.

*Виолетта Ратенкова*

Юлия  
Ярайкина





# ОьрчІругу – мива хъунимири, так биялсса опыт бакъасса

ОьрчІругу – мива хъунимири, так биялсса опыт бакъасса

Паракъат ссят. Вяйлиятал шанай бур (циклүлли шанаша мишан дулай буссаривгу). На бувхра щюллисса къатлувун, му цуппа «кьютІсса багъри» – ттул янинни мукун чІа-лачІсса. ЧІавхьлттил хахливу бур бургъил зяъпиран мусил ранг хъанай.

Юлия ттун ччянива кІулссар, хъуна бакъайссару Воскресный чтени-арттай, лагайссару «Куклоград» выставкалин, бюхъайссару цаннин ца хъуна бакъин ДГУ-рал филфак бусса кланай.

– На шикку дуклай бивкІссара, – байбишай Юлия, – чашкардал чІанула ттарлил ххалаххал сихІирал щюлли къатта буцІиннан. – Тайлану учин, на учитель хъун дакІний бакъа-ссияв, таржумачинал карьералийн тамахІну буссияв, амма къавхъуна, цамур, личІисса сфералувун лавгун, МТС-рай зий бивкІра.

– Логопед хъун та дакІнин багъуна?

– Ттунмавагу къакІулну, хъуна-ма арс увну махъ. Мунал дия ца маз бахчилачавришал дархІусса пробле-ма, жу мунилсса дахъи къалавгун бувссия. Му зат ттун муксса аьжаив бивзунахха, пикри хъуна: «Ххуй-шиву ва пишадул!» Ттун бувчІуна ттула лингвистикалиясса кІулши-вуртту цІусса пиша лахъхъаврил гъа-нуну хъуншиву. Ххишаддаран, даврил чІунгу ишла дан бюхълай бур кулпа-тран зарал къахъунну. Та чІумал на яхъанай буссияв Ростоврай, тикку-ра ларсъясся цІусса образованиегу – Южный федеральный универси-тетраву переподготовкалаул курсу бувкурссия. Жухъ физиологиялул, нейробиологиялул, нейропсихологи-лул ххаллилсса лекцияртту буккай-

ва. Лингвистикалул базалулгу ттун хъунмасса кумаг бувуна.

Яла дадахъал форумрай на кІул хъуссияв Ростовраясса логопедна-щал, ганил ттун маслихІат бувуна цила выпускной курсирдай практика ласун – ми дия особенныйсса оьрчІа-щалсса ва миннал нитти-буттахъа-щалсса бялахъай занятияртту. Га-нил логопедиялулмур бутІа цийнма лавсуна, на лавсъясся – творчество-лулмур. Гикку бия личІи-личІисса диялдакъашивуртту дусса оьрчІру. Ттун най бунава чІалан бивкІуна ми бушиву цайми кунмасса оьрчІру, так ххишаласса къулагъас аьркинсса. Га ххаллилсса кураторнайхчІин на машхул хъура ОВЗ дусса оьрчІал кор-рекция даврихун.

– Логопедия – му махъ дурксса элму дур, хъхъичІуннай хъанахъисса. ЦІу-шиннарду бюхъайрив ишла дулан?

– Ди, жул сфералун мудан хъхъичІунмай хъит тІун аьркинссар. Буссар мастер-классру, семинарду, тренингу. ХъхъичІва на чІявуну Ро-стоврайн лагайссияв, уттирив би-гъану бур онлайн-форматрай аьр-кинмур лахълан. Ттунма ххирасса педагогтал хъунни.

МахІачкъалаливгу сакин хъун-ни логопедтурал гужсса сообще-ство, бунияласса спикертал бучІай. Жул группа буссар WhatsApp-раву-гу, куннал кув жула опытращал кІул байссару. Сакин дайссар конферен-циярттугу – вузирдаву куннасса-гу (масала ДГПУ-раву), частныйсса-гу, личІи-личІисса специалистътал бавтІсса: психологтал, физиологтал, хІакинтал. Ттун, масала, салахІ ди-зай логопедиялул ва ортодонтиялул дазурдайсса направление. Комплекс-ный подход аьркиншиврий дакІ дар-цІумурда на.





–Итххяххаврин нукъсаншивуртту цукунсса фактордая наниссар гъалгъалувуми диядакъашивуртту?

– Чйаруми нукъсаншивуртту ляхъайссар ниттил ляхълувур, оърчI буллалийни. Миннул хъун дайссар дизартрия ягу ня зузаврил нукъсаншивуртту. Гъай-гъай, дуссар генетический аномалиярттугу (Дауннул синдром, аутичнийсса расстройствартту). Аутизмалул хIакъираву аьлимтал цалийн бувкIун бакъар, амма чIявуми му генетикалуцIун дахIлай бур.

– Сайки циняв «нитти-буттал интернет-чатирдаву» Дагъусттаннай щаллусса дяхъви бур къизгъин хъуну оърчIан прививкартту даврил-къадаварил хIакъираву... Масала, цаппара тIий бур вакцинациялул оърчIал развитиелун зарал байссар, му аглан дайссар тIий... Му чIувусса масъалалия инава ци учивияв?

– Аутизм прививкарттацIун дахIлаIаву – му цалийн къабувкIсса масъалар. Чансса бакъар мура диагноз дусса, амма прививка къадурсса оърчIругу. На доказательный медициналул чул бувгъумурда. Нитти-буттацал на рязиссара так ца ишираву – вакцинациялул национальный календараний хIисавравун ласун аьркинссар индивидуальность. Агарда оърчI къашавай ухъурча ягу

иммунный системалуву азар душиврийн щак бухъурча, прививка дан къабучIиссар. Вакцинация – му хъа-нахъиссар иммунный стресс, мунил, «бомбалул» къяртIлил кунма, бюхъайссар хъхъичIава миву бивхъуну бивкIсса процесс зузи бан. Амма му къяртI кIункIу байсса буссар цайми затругу: температура, нитти-буттал къалмакъаллу, мина даххана даву, ниъа усаву. ОърчI бюхъайссар мутизмалувун утан (гъалгъа къатIутIи ан) хъуннасса стрессралгу.

– ЗучIан бучIайрив бувагу гъалгъа къатIисса оърчIру бувцуну? Цукун сакин дурну дуссар миннацалсса даву?

– Мукунсса, гъалгъа къатIисса оърчIрур жул гъанумур профиль. Амма кIулну бикIан аьркинссар: логопед цалчинмур звенорал специалист акъар. Цал специалистътал зун аьркинссар оърчIал физическиймур тагъар кIул давриха: ЛФК, кинезиотерапия, двигательный терапиялул жуарду.

– Цукун дачайссар занятияртту? Ми мудан тIуркIурдурив?

– Занятие дайдишайссар саламат-сса диагностикалия. На хIарачат бара цал оърчI цувалу, нину архIал дакъа, уцин, хIисав дан цана къакIулсса инсаннах га цукун уруглай урив, цукун сукку-къютIу тIий урив, ссикI ду-клай урив, иттав уруглай урив. Яла

жу хлала дару нину. Ххал бара, ганал члурду цукун зумух ласлай урив, гьалгъа къатласса ухьурча – ххал бара, бувчллай буриг мунан цахъва тлутимур. Хлакинтурайн багъайсса затру бухьурча – маслихат бара хлакинначлан гьан. Масала, оьрчл гьалгъа къатласса ухьурча, члу баявриг нервардал члу няравун биян буллаи буриг.

Туркмурдал хлакъираву. Оьрчлал хъунмур даву дур турклу, жун турча му хъанахъиссар инструмент, методика. Оьрчл вичли къадихълай, увкур му къабуллай ухьурча, на учара: «Хъинни туну, цичлав къадулланну, турклу тлунну». Турклулу на бура ттуламу ххуллийх най. Амма аьркинссар оьрчлал поведениелуви личли бан: му укунмасса каприз буриг, ягу мунан специалист къасалахлну урив.

– Цими шинавури оьрчл логопедначлан уцин аьркинсса?

– Цуксса ччяни увкурив, муксса хъинссар. Яла оьккимур магъари – «Логопедначлан мукъра шин хъувкун уцин аьркинссар, му члумал га анаварну гьалгъа тлунтлссар, Пушкиннул чивчумур ккалантлссар» тлимур. Агарда ца шинавусса оьрчл иттаву уруглай акъахьурча, оьрчл угърурду буслай акъахьурча, цукунчлавсса члу ганава буклай бакъахьурча – гацлана гьан аьркинссар неврологначлан консультациялий. Поликлиникалул неврологнал паракъат буллаи, амма ниттил дакл паракъат къахъанай духьурча аьркинссар цаманал дуглан ягу логопедначлан гьан. «За бакъассар, цурда гьантлссар» тлутиминнах вичли дишин къабучлссар.

Консультациялий жу ниттишала клира ссятраяр чан дакъасса члумуй ихтилат байссар, анамнез ххал дайссар оьрчл лякълувусса члумуя байбивхьуну. Гьарца затраву мяъна дуссар: оьрчл ххярк тлий ивклссарив, щяиклан ивклссарив, цукунсса-дунугу этап лях ларгссарив. Агарда оьрчл най уна щяиклан ивклхьурча, занан ивклхьурча – му нервный системалун къудай бакъасса затри.

– Нитти-буттан бучлссарив заняттирттай чларав биклан?

– Му хъинну бикланссия. Ниттин ттуяту лахъхъинссия, ттун – ганияту. Ниттин члалачлссар оьрчлашчал цамур куцуйгу зун бучлишиву, му хлсав буллалссар. На дачли ссятрай ккаккан бувмур цимилгу бюхъайссар ххю-ххюра минуттрай шаппа цлакъ бан. Жу партнёрталну зузиссару. Коррекциялул агъаммур «двигатель» – нину-ппури, гай бур оьрчлашчал 24/7 члумуй. Жул задачану хъанахъиссар нитти-буттан бувчин бан, оьрчлаша ци бюхълахъиссарив, му хъхъичлунай хъанай ушиву, хлаллих, цала темпрай. Чявуну нину-ппу аьсив хъанан биклай. Жу ккаккан бувкур, цала оьрчлашчал паракъатну, ганай гуж къабуллай зун бюхъайшиву, гайнналгу дакл дацлай цимурца ххуйну хъуншиврий.

– Ина увкуна, «аутизм дусса инсан» куну хъинссар, «аутист» къаувкуну. Циванни?

– Цанчирча му хъхъичла-хъхъичл инсан унутлий, яларив – диагноз. Цал дур цала хасиятгу дусса личность, яла цаппара нарушенияртту. Чявуну нину-ппу цала «особенныйсса» оьрчлах буруглан биклай азарданул призмалувах. На миннахъ учара, фокус баххана бувару куну. Оьрчл тарс ацлан иклайсса азар дунутлий акъарча, цувава тарсъсса унутлийри. Му тарсшиврул бюхъайссар мунан хъуннасса лахъшиврийн лахъан кумаг бан. Бачи пикри баннуча: оьрчлал так кляламу ва ца форма думур за дукайни, му личли дуллалавуривкъай ягу дукралуву ххирамурдив? Зура, нитти-буттал, диризмур дукарув? На ялагу гай занабитлай бура гава суалданийн: «Зува къабарув мукун?» Оьрчлу – мигу гайва хъунимири, амма опыт биял къавхъусса.

*Аида Бабаева*





# Аьламравунсса ххуллу чанна буллай ивкІма

*Гъашину 75 шинал юбилей кІицІ лаглай ур кІийла аьламравун левххусса летчик-космонавт, Совет Союзрал Виричу Хираманнул арс Муса Манаров.*

1987 шинал декабрь зурул 21-нний лакрал миллатрал язисса арс «Союз ТМ -4» космосрал жамилий, Байконур космодромрая аьламравун левххуссар. Тарихраву яла хъунмасса хІаллай аьламраву ивкІсса (541 гъантлий), арийла тІивтІусса космосравун увкксса Муса Манаровлул полет Гиннеслул рекордирттал луттиравун дагъссар. Космосрал элмудуву дурсса хъхьичІуннайшивурттахла Муса Манаров лайкь хъуну ур Совет Союзрал Виричувнал цІанин, Лениннул ордендалун (1988), Октябрь Революциялул ордендалун, «За заслуги и освоение космоса» тІисса медальданун ва чІярусса цаймигу наградарттан.

Дагъусттаннал ва лакрал миллатрал пахру Муса Манаровлул юбилей, чІявусса бусравсса хъамалгу гъуртту хъуну, лайкьсса даражалий кІицІ ларгунни вай гъантрай Москваулдал «Дагъусттан» культуралул центрданул вакилтурал.

Муса Манаровлул барча уллалисса, ванал оьрмулул ва захІматрал ххуллийсса лайкьшивурттая бусла-сисса ихтилатру бувна «Дагестан» МЦК-лул президент, техникалул элмурдал доктор Арсен ХІусайновлул, профессор Астемир Шайхаьлиевлул, Аьрасатнал Конституциялул судрал член ХІадис ХІажиевлул, Аьрасатнал элмурдал акаемиялул член-корреспондент, медициналул элмурдал доктор, профессор Сяъдуллагъ Аба-

каровлул, Аьрасатнал Жяматийсса палаталул комиссиялул председатель Айгун МахІаммадовлул, психологиялул элмурдал доктор, доцент Зоя Хановал ва чІявусса цайминнал.

Миллатрал бусравсса арс барча ан бувкІсса бусравсса хъамаллуравух бия 1- мур ранграл капитан, «Дагестан» МЦК-лул вице-президент ХІусман-ХІажи Сулайманов, Аьрасатнал ва СССР-данул аьралий флотрал ветеран, архсса аьрххилул капитан Умар Абасов, «Мосгаз» АО-лул гендиректор ХІасан ХІасанхІажиев, чІярусса шиннардий Лакрал райондалий каялувшиву дуллай ивкІсса Юсуп МахІаммадов, Лакрал райондалул бакІчи Зураб Куччаев, республикалул парламентарал депутат Артур Ислапилов.

Муса Манаров барча ан бувкІун бия Дагъусттаннал халкьуннал артистътал Рашид Багатаев ва Лариса ХІажиева. Вайннал балайрдал чІюлу бувна мажлису.

Муса Манаровлун хас бувсса шеърирду бувккуна Ххадижат Цаххаевал.

Ахирданий Муса Хирамановичлул дакІнийхтуну барчаллагъ увкуна мажлисрал сакиншинначитурахъ, цинявппагу цала кьини хъун дан ва чІарав бацІан бувкІминнахъ.

*Имафа Саидова*



# Позывной «Хан»...

*Февральданул 17. МахIачкъала шагърулул Караман микрорайон. Ва кьини аьналул ула тIиртIунни хасъсса аьралий операциялий Ватандалул мурадру буруччаврил ххуллий чувшиерий жан дуллусса Хъусрациял шяравасса Славиклул ва Миразатлул арс Абдулхаликъ ХIажиевлун. Мармарчарил ула лархъунни Абдулхаликъ ялапар хъанай ивкIсса ва вана цIа дирзсса кличIиравусса къатрал чIирайн.*

Шикку гьуртту хьунни МахIачкъала шагърулул администрациялул бакIчинал хъиривчу Эмилия Раджабова, МахIачкъала шагърулул Культуралул управлениялул хъунама Фарид Абалаев, шагърулул Социал политикалул управлениялул хъунмур Зайнаб Алимирзаева, СВО-лул цалчинсса Аьрасатнал Виричув НурмахIаммад ХIажимахIаммадовлул нину Сапижат Мазаева, виричувнал гъан-маччами, шяраваллил жямат, «Движение первых» суккушиннарал вакилтал ва журналистгьтал.

Мармарчарил улттуя пардав дукъансса ихтияр дуллуну Абдулхаликълул ниттихъхун, Мираз

жатлухъхун ва Эмилия Раджабовахъхун. Мероприятталий гьуртту хъун бувкIминнал аьпалул улттуцI тIутIивгу дирхъуну, минутIрайсса пахъ багъаву дурна.

Мажлис тIитIлай, ихтилат бувна Эмилия Раджабова.

– БувчIлай бур цIанасса чIумал цуксса захIматсса кьинирду лахъан багълай буссарив СВО-лий гьуртту хъанахъисса жула жагьилтуран ва миннал махъсса нитти-буттан, кулпатирттан. Виричувнал ххуллийсса бур Абдулхаликълул бувтусса кутIасса ва яргсса оьрму. Ватандалийн кьини дурксса чIумал, вана ккаккан дунни цала кьириятту, чув-

шивугу. Жула паракъатшиврул цланний жан дуллуса къучагъ тачлав хъама къаитантиссар, – увкуна Эмилия Раджабовал.

Сапигат Мазаевал барчаллагъ увкуна пахрулунсса къучагъ тарбия увсса нитти-буттахъ.

– Хлакьину жува абад улай буру Ватандалул ххуллий къучагъшиврийн жан дуллуса лайкьсса наслул арс Абдулхаликь Хажиев. Дуркун дур, миллат личи бакъа, жула цашиву, къирият ва уздансса хасиятру ккаккан дан аьркинсса члун. Махъ бакъа, Абдулхаликьлуд ккаккан бунни цува хлакьсса патриот ва такрал миллатрал ва щала Дагъусттаннал цла лайкьну дурурччусса къучагъ ушиву. Ва бунялагу гьунар бусса, итххяххсса, яхI-къирият лавайсса жагьил ушиву чалай бур, жагьилсса оьрмулий ванал лайкь дурсса наградарттайну. Абдулхаликьлуд, ва кунмасса вирттаврал билаятрал тархъаншиву ва цашиву дурчлай жанну кьурван дурссар. Жува буржлувссару цланасса никиран вай эбратну бихълан, ва вайннал къучагъшивурттая буслан, – увкуна Сапигат Мазаевал.

Аьпалул мажлисрай гьуртту хьуминнал клицI лавгуна Абдулхаликь гъарица чулуха эбратансса, гьалмахтурал дянив хIурмат-къиматрайсса, уздансса хасият дусса жагьил ивкIшиву.

Абдулхаликь увну ур 1994 шинал мартрал 8-нний Краснодардал крайрайсса Куцевский райондалийсса Обьездная Балка тIисса хуторданий. Раздольное тIисса шяравусса 23-мур школалий бувккуну бур ванал 10-ва класс. 11-мур классраву дуклай ивкIун ур Хъусрациял школалий. Аьралий бурж бартбивгьун бур Новочеркаскалий. Мобилизация баян байхту, цалчинминнавах лавгун ур хасьса аьралий операциялий гьуртту хьун. 2023 шинал Абдулхаликь ивтун ур разведотрядрал разведчик-пулеметчикну. 2024 шинал гъарица чулухунай итххяххсса, нигъ-ццах дакъасса,



тIайласса хIукму бан ва му бартбигьин кIулсса аьраличу ивтун ур отрядрал хъунама разведчик-саперну. Гара шинал ноябрьданий сержантнал чингу дуллуну, ивтун ур 76-мур гвардиялуд десантно-штурмовой дивизиялуд разведбатальондалуд командирну. Хасьса аьралий операциялий ванал «Хан» тIисса позывной диркIун дур.

Талатавурттаву ккаккан дурсса чувшиврухлу лайкь хьуну ур «Участнику специальной военной операции», «Суворова», «За отвагу» тIисса медальлан ва аьпалуд хьуну махъ ванан дуллуну дур Къучагъшиврул орден ва медаль «За заслуги перед Отечеством».

Абдулхаликь цуксса ларайсса яхI-къирият дусса, пахру-ххара бакъасса аьраличу ухьунссия, аьралитурал пишакаршиврул даража ккаккан буллалисса лишанну хъанхъисса, краповый берет лайкь бувшивувагу бувсуну бакъар нитти-буттахъ. ХIайп, чувшиву ялтту дурксса арснацIа хьунни ванал нину-ппу ва цинявппагу мачча-гъанми.

Абдулхаликьлуд чIавасса оьрмулий эбратну ва яргну бивтсса аьралий ххуллия бувсуна ванал ниттил, Миражатлуд.

– Абдулхаликь жул кулпатраву хъуна-хъунама арс ия. Чивину унува хъуначувнал кунма къуццу буллалисса, гъарица иширттаву шавхьсса, нитти-буттай цими бусса оьрчI



иклайва. Аьралуннаву кълудугъ бул-  
далинигу, вузраву дуклакинигу му-  
дан хъхьичунну иклайва. Хасъсса  
аьралий операциялий гьуртту хъун-  
сса повестка дурксса члумал, ттуя  
кълутл буну, буттахъ бувсун бия.  
Цалчинсса гьантрайва ккаккан бу-  
вну бия цала буюхъу-гьунар...

Ахирданий, Миражатлуд барчал-  
лагъ увкуна арснал аьпа буруччарил  
ххулийсса даврил сиптачиталну  
буксса Дагъусттаннал бакIчи Сер-  
гей Меликовлукъ, МахIачкъалал ша-  
гьрулуд мэр Жамбулат Салавовлукъ  
ва аьпалуд мажлисрай гьуртту хъун  
букксса ва цинявпагу цала кьини  
хъун дан букксса инсантурахъ.

Миражатлудин Абдулхаликълуд  
аьралий поэтичной Томас дусса гьал-  
махчунал чивчусса чагъарданива  
цаппара ххару:

«Абдулхаликь ттун хъунама  
уссунугу, вихшала дишинсса дус-  
нугу хъуссар. Ттула оьрмулуду укун  
уздансса, дакI тлайласса дус хъуна-  
акъаву, хъунмасса тлайлабацIу хъу-  
шиврун ккалли буллай ура. Амма,  
хIайп ттул ххаллилсса дус дязаннив  
жуятува личIи хъунни. На ванайн Аб-  
дуд«хан» куну учайссия.

Абдуллуцал на кIул хъуссара мо-  
билизация баян бувсса ппурттуду. Ва  
ия хIилла-хIичча дакъасса, тлайла-  
шиву ххирасса инсан. Жул уссурвал-  
шиврийсса дахIаву дайдируна  
Луганскалий Абдуллуцал хушрай  
цалчин разведкалийн лавгсса члум-  
ал. Тикку жу бивкIру ца роталуду,  
ца взводраву. Абдул нигъ-ццах дакъа  
душмантурайн гьужум буллай ачай-  
ва. Аьдат бакъасса жун захIматну  
биклайва. Ванал тIурча, яла захIмат-  
ми бигарду цала бакIрайн ласайва.

Килчинмур заданиялий ттуйн  
кIусса щаву дирна. Му члумалгу на  
ттула гьалмахчунал ххассал увнав.

Тамансса хIаллай жу цачIу аьра-  
лий талатавурттаву гьуртту хъанай,  
душмантурайн гьужум буллай, аьра-  
лий бигарду биттур буллай бивкIру.  
Жул дянив так ца Абдул ия нигъ-ццах  
цирив къакIулсса, щилчIав хъхьичI

ник къарищайсса аьраличу. Аьралий  
бигарду тапшур бувсса члумал, жун  
кIулесса Абдулуд цала бакIрайн ла-  
сунтIишиву. Ва ия щала роталуд ма-  
шасса аьраличу. Ванал бакIрайн лав-  
съсса бигар, багъайсса куцIуй биттур  
къабувну, зана къашайва. ЩищачIав  
учин къабуюхъаймур, тIайланма ко-  
мандованиялукъ учинсса сисаву ду-  
сса оьрчI иклайва.

«Хан» жул батальондалуд леген-  
да ия. Къааьйкьинссара Аьрасатнал  
аьралитурал легенда ия учирчангу.  
Хасъсса аьралий операциялий гьурт-  
ту хъанакъинсса хIаллай ттун укун  
къучагъсса аьралийчу хъунакъа-  
авкъуссар. Хъун хIал къавхъуну Аб-  
дул ивтуна леххай аппаратирттал  
хъунама операторну. ЧIал къавхъуну  
роталуд отделениялуд командирну,  
батальондалуд хъунама пишкакар-  
ну. Абдул, хъхьичI ххуттай нанисса  
талатавурттая тачIав ят къауцайва.  
Нажагълий, кумаг аьркин багъарчан,  
левчуна учIайва. Ссант кIулсса, ана-  
вар къауккайсса уну тIий, душман-  
найн гьужум бангу, хъунмурчIин ва-  
найн вихшала байва.

Дягъилуд пишкаш увна ттун чув-  
шиву ялтту дурксса усу. Пахру бан  
лайкъсса, ххаллилсса арснацIа хъун-  
ни нину-ппу. Нажагъсса ухъунссар  
ванал кIану бугъансса аьралийчу.  
БивкIулуд хъхьичIгу ванал чумарт-  
шиву ккаккан дурссар, аьралий  
гьалмахтал ххассал буллай, цала жан  
харж дурссар.

Укунсса къучагътурая буслай, вай  
эбратран бихълай тарбия буллан  
буржлувссару жула оьрчIру.

Жул батальондалуду буссар ля-  
личIисса къучагъшивуртту ккаккан  
дурсса аьралитурал цIарду чирчусса  
музей. ХIакьину ва музейраву му-  
сил хIарпирдай чирчуну дуссар ттул  
ххаллил дус Абдул Ханнул цIа.»

*Имара Саидова*



## Вихъуллал мичлахлан Хамис

Инсантал биклай цала дуняллийсса оьрму эбратну, яргну бувтсса, аькьувардай гьан бувсса, жагьилну бунува апатI сававну оьрму бяливчIсса, цIуцIавурттайну чIярусса никъа-къинтга щусса. Оьрмулul шиннардил дуламанттаву циксса захIматшивуртту хьунадакьлай дир-кIхьурчагу гайннухьхьун «хьхьури» къадуллусса чансса къабикIлай. Ца мукунсса щалагу Вихъуллал жяматрал эбрат ласлай оьрму бувтсса хьамитайпану хьуссар Вихъуллал МахIатIулавхьал тухумравасса ХIусайннул кулпат Хамис. Хамис ттул буттал Шягьваннул бавая. Га жагьилсса, душсса чIумалва даргиял МичIахIи тIисса шяраву къалайчину зий ивкIсса ттул хьунбуттал ХIусайннул лихъан бувну бивкIссар. Га цуппагу даргири душ бивкIссар. Ттун кIулссааксса бусласаврийн бувну, Вихъуллал шяравун цалчин шар

хьусса, лакку душ бакъасса инсанну хьуссар. Жула лакрал аьдатру, багъу-бизу бурувчуну, циламур миллатралми дакIния лаган къадурну оьрму бувтссар Хамислул.

Ттул буттал бава дурну дия 1875-ку шинал МичIахIиял шяраву. Хамислул ва ХIусайннул дянив хьуну бия Аьвдурашид, Аьйшат, Чарин, Шягьбан, Ххаджат, ПатIимат тIисса оьрчI-душру. Вайннувату хIакьинусса кьини сагъну цуцIав ливчIун акъар. Хамислул ялагу ччаннай бацIан бувну кулпатирттал щаллу бувсар мукьва арснал ва душварал оьрчIру.

Хьун дягьвилиа Хамислулчан зана къавхьуссар хьунама арс Аьвдурашид, душнил Ххаджатлул лас Аьлил. Аьвдурашидлул кулпатрангу, душнин Ххаджатлунгу шар хьун багъну, Хамислулча ливчIссар МахIамма ва Сулла тIисса Аьвдурашидлул арсру, душнил Ххаджатлул арс Жягпар.

Вайннал ялун Ттугъайхъал МахIам-малун шар хъусса душнил ПатIимат-лул цалчинмур душ Ххадижат, учкъулалийн зананин ябувссар. Хамис жулми къатрая арх дакъа цила арс-нан Аьвдурашидлун бутIурай дирсса къатраву яхъанан дикIайва. Ттун кIулши хъусса чIумал ттул хъунбутта ХIусайн дуняллий акъая.

Хамислун жула лакрал кIарттуву ччатI буваннив къалавхъхъуна. Амма ганил кIарттул хъхъичIсса вилаххав цIараву куннил ялун ку кIира тава ларкъуну, ялунгу цIу диян дурну му-кун нахIусса гургри, сулхъри дай-вахха ивкIумагума гайннуя нанисса нахIусса къункьал чантI учин уван-ссия. Хамислун каних дайсса даву-ну дикIайва цIусса виргъанну кIу-лукIаву, гай дуруххаву. Га колхозрал даврийнгу тачIав къалагайва. Арс Аьвдурашид армияла занакъавхъуну тIий, ганин пенсиялул ацIния кIира къуруш дикIайва. Амма колхозник-туран дулайсса лагрулийсса хъурун-нил пайрив ганихъу бикIайва. Га иширалгу буслан бикIайва Вихъул-лал жяматрал ганил чулинмай цук-сса хIурмат буссарив. Дуки-хIачIи-ялул дуланмагъу га чIумал зунттаву яхъанахъисса инсантурал цакъай-дасса дикIайва. Утти куннасса цIу-рихъулдул аваданшиву дакъахъур-чагу, дукалмур дузалну дикIайва. Хъурункъуса, хъхъахъхъари, лаччи-бутIу, гъавккури, ини, шархъ хъю-ру, дахханашиврун къакъан бувсса щакхуллул ххункIру, нисирал, хIа-жикIалул иникIмалул буркив ва цай-мигу дуки – хIачIия дикIайва. ХIасил ккашилшиву ттун жула зунттаву къадиркIний кунма чIалан бикIай. Шяраву шайсса хъатIай нажагъ Ха-мис къавтIун дизан дуккан дуварча, Вихъуллал арамул гъар мудан га-нин вайминнан къадулайсса арцу ду-лайва.

Зун ккавкссарив виргъанну дул-лалисса инсантал? Хамислул вир-гъанну дуланнин, гайннул лув чир-ча дургун, гъилисса баргъ бивтсса интнил къинирдая дайдирхъуну

гана га ссут дучIанин дуллан дикIай-ва. Иширах бургарча, гай шиннар-дий шяраваллил сайки циняв жа-лин-душваран ганил виргъанну дурхъунссия. Виргъанналул лажин дуллалисса янна ххалаххул хъирив къадачиншиврул ва цурда ххалахру ххуттайх дачиншиврул ца чулий кIу-лукIрулул бакIрай дирхъуну дикIайва чIирисса кIюй дакъасса бург. Мада-расса шинну хъуннин Хамислун чани чан къавхъуна. Яла махъ ппурттуву чани чан хъанан бивкIсса чIумал, Пермь шагърулий хIалтIилух ивкIсса ттул буттал Шяъбаннул цала баван ххалаххувун бигъану ххал дучIайсса кIюласса муххал ххаллуя бувсса куц гъан бувну бувкIуна.

Ттун тачIав къаккавкссар Хамис оьрчIайн рагъну. Ялагума ттула бава, аьпа биву ХIурия, жуштал оьрчIашал рагъсса чIумал, ганихъ мазра-матIра тIий, паракъат дулла: «Гъуй, оькки царссай», – тIун дикIайва. Мунияту бикIайхъунссия чIаххурал оьрчIру га цIив бургъилу щадиркIний га-нил лагма лагайсса. Ганил къунниву гайннан дулунсса кканпитI – качар-гу чан къашайва. «Аманарчу Хамис, ми винна щилчIав дуллуса, чяйлу-хун зумув дишинсса затру миннайх мадачIларду», – увксса чIумал: «На ттуннами дуркуссар, вайнанин цIа-на нацIу – къацIу аьркинсса», – учай-ва.

Махъсса шиннардий МахIаммалул, Суллал кулпатру бувайхту, Жяъпар-дул школа къуртал буваннин ганан буттая бутIурай дирсса хIаятрайн ларгун гикку яхъанан дикIайва. Ам-маки чIун-чIумуй на ттула бавал ганин гъилисса дукра ларсун гъан увайвав. Яла Жяъпар дуклан лагайх-ту щаллара яхъанан жучIан дуркIуна. Га ттул бава колхозрал даврийн лав-гний жухгу дургайва, ия-гу учайва. Хамислун жул Вихъуллал хъаннин кунма зайла зан, оькки махъру тIун, чIаххураштал рагълан къакIула.

Дукра дукавил чулуха га аварасса, ва дуканна та къадуканна тIун къа-дикIайва. Амма жагъилнийва лавчI-



сса бургъил цѳуцѳаву дугъара шайхту ялун лирчуну, кѳири бувсса бургъилу щадиркѳсса чѳумалгу, кав-кав тѳий зурзу бахчуну дикѳайва. Му чѳумал ганин 25-30 грамм аьракъилул дулурча, цахъис хѳаллавату паракъат хъуну, цийнна цурда дучѳайва. Мукун зурзу бахчусса чѳумал дулуннара тѳий ладиртсса аьракъилул шуша дикѳайва ттул бавачѳа кѳалмул суву дирхъуну. «Ца ссицѳи була кѳали, ца ссицѳи була кѳали», – тѳий овѳтѳун дикѳайва ттул бавайн. Ссибивзний учайсса махъгу ганил бувагу: «Ярямяс», – тѳисса махъ бикѳайва. Га мукъул мяънагу ттун кѳадурчѳунна лирчѳессар.

Хамис чурххал чѳири – кѳирисса дикѳайва. Дугъара хъуну дунугу жагъилнийрасса симанналул ххуйшиву чѳатгу кѳалирчѳунна урувгнал дакѳ гьарта дуллалѳсса дикѳайва. Хамислул жул Вихъуллал чѳинчѳугу кѳарутайва, бакѳвахѳугу кѳабахѳайва. Анжагъ куклусса ссатиналия бувсса цала Мичѳахѳиял зумунусса бакѳвахѳу бикѳайва, гьартасса даргиял пурмалийсса гъухъагу лаххайва. Ччаннайгу мукѳсса архну кѳалагайхъувкун ппалул жуларду дикѳайва ккалуширттавул лархсса. Марххала бувсса чѳумал, кѳинттул цинявнал лаххайсса варсул усру лаххайва.

Ца чѳумал душничѳан Ххадижатлулчѳан най дунува, Аьшавхъал хѳаятрал чѳарахсса кѳичѳиравул кѳяркѳи дуну, ххуллул зуманих дирхъусса зумазункѳуллайх най диркѳун дия. Яла няларгссияв дагъан аьркинни Хамис чѳирайх яларай хъювун, кѳира-шанна метралул лахъшиврийх.


Мукун дагъсса ххал хъуну бивкѳѳессар арх дакѳа Багъдагулхъал цѳияллай дарцѳусса Шагъун тѳисса хъамитайпалун. Хамислул бахттилул ялун ивсса Баяхъал Махѳаммалул Хамис кѳункѳу дурну ххассар дурссар. Га чѳумал Хамислул барт кару гъаргъун, хъхъичѳбакѳрайгу шаву хъуну диркѳѳессар. Чѳявн азарханадийн кѳадурцунна тия увкѳѳсса Мухтардул кѳиккува шаппа бакѳрай операция бувну бурувххуну бивкѳѳессар.

Ттаркѳи кѳагъаргъун, бурчу ххялавгун бухъунссия.

Валлагъ гания махъгу кару дарккуну ларчѳун духъурчагу, ца махражну ххалаххигу бургъуну дурухлу дувайва, цила виргъаннугу щайвайва. Га тачѳав хѳайп тѳун кѳадиѳайва цурда лакрал дянив дагъну тѳий. Лагма-ялтту цила мазрай гъалгъа тѳисса инсантал бакъатѳияв, ганин ххуйну лакку маз кѳулну бия. Анжагъ цинма лавхъхъусса кѳукѳлусса аьжаивсса лугъатрайсса гъалгъатѳаву дикѳайва. Жула лакку мазрайсса ихтилат цукѳсса иминсса буссарив кѳул шайва ганих вичѳи дирхъусса чѳумал. Хамис ца-ца чѳумал Мичѳахѳун хъамалу лагайва. Га Мичѳахѳиял Ражабхъул тѳисса тухумраясса дия. Гихагу ганил гъансса инсанталгу бучѳайва ссайгъатругу лавсун. Яла махъ ппурттугу даргиял цала дахху-ласу дуллан бивуна жул Вихъуллал шяраву. Гай тѳясеру, тарелкартту, ланжартту, сир бувкѳѳсса кѳункѳурду лавсун занан бивкѳлуна. Нагу гъан увайвав шяравух гай хъус дахлай. Амма ттун жула инсантурая нач хъанай гай майшан тѳий занан ччан кѳабикѳайва. Яла махъ на гай жучѳанма бучѳайхту лихъайссияв шавату: «Дарсеру дуллан дур ттул», – куну.

Хамислул мадарасса шиннардийсса оврму бувтссар. Га ахиратравун ларгѳѳа 1973-ку шинал ганин 98-ра шин хъуну диркѳун дур. Мукун Вихъуллал школалул чѳаравѳѳа хѳатталлив дурчѳусса Хамислул кѳялазуруй чивчуну бур. Жула аьдат дур тухумрава лавгминнал цѳарду ялун бувкк миннангу дизайсса. Мунияту Махѳатѳулавхъал тухумраву хъуну дур кѳира Хамислул цѳа. Ца ттучѳа ттула душнин дирзун дуссар. Кѳилчинмургу ттула ссурахъил Патѳиматлул душнин дирзун дуссар. Умуд бур вай душру хъуннамур Хамислула лавхъхъусса хъунссар тѳисса.

*Сураѳрай: Хамис ва Хѳусайн  
Хѳажимурад Хѳусайнов  
Вихъул 2025 ш.*



Юсуп  
Хаппалаев

# Хатыннал зангру

## I

Кинтнил хъхуну Хатыннайн,  
Белоруснал аьрщарай,  
На лавгссияв икрамрай  
Мютли къавхъу инсаннайн.

Замгъар.  
Марххала.  
Марч.  
Хъхъу.  
Авлахърай вацллул хъхурхъхъу.  
Марххалттала лирчсса цлу.  
Букъа къяпа!  
Тти ацлу!  
Хатынь!

Ва дунялдул гъунттуу  
Чучлав къалякъинтиссар  
Вин укунсса хлатталу.  
Ургу: марххала – сурув!  
Сурув лавххун хлатталу.  
Хлатталу ччурччу щархъал,  
Щархъаву буминнашал!

Занг ришлай бур гюнгутлив  
Гъарца члума члумуйн:  
Дяв!  
Да-дяв, дя-дяв! Дяв!  
Циняр къатрал дявчурдив  
Ссавнин бивклун бур  
Пяв-пяв!

Гъалгъа тлий бур гюнгутлив  
Ссавнихъгу, духччинухъгу,  
Леххаврий бур гюнгутлив  
Ливтлунайнгу, сагънайнгу:  
«Тикрал хъун мабитари  
Ва мусибат цлуницла!  
Къаларду кунма, бацли  
Халкъуннал дакъаврича!»

Вичилий дур дунял,  
Аьсса ххуллийсса цлуртти,  
Вичилий бур хъхириду,  
Зунттурду, къунну, вацпри.

## II

Замгъар марххалттанува,  
Къяпагу бакIрай бакъа,  
Сагънува чарин увкма,  
Чарияргу къянкъама,  
Фашистътурал къиялин  
Тачлав мютли къавхъума –  
Хатыннал кузнец Юсуп  
Авцлуну ур гъайкалну.

Та ур бачIва ччаннашал,  
МикI лавчIсса яруннашал,  
МикI зюрукъанттан ххярхсса  
Ппив хъусса чирттарашал,  
РухI дакъасса арс ганал  
Гъаз увну ур цIарава!

Та леххавур ливтІунал!  
 Леххавур та сагъминнал!  
 Мугъаят дуллалисса  
 Дуниял дяъвилія!  
 «Тикрал хъун мабитари  
 Ва мусибат цІуницІа!  
 Къаларду кунма, бацІи  
 Халкъуннал дакъавричІа!»

## III

Марххалттала лирч цІурду,  
 Тай лекъащайсса цІурдур.  
 Ттуршлий зувилли ряхра  
 Шяраваллил цІурдур тай.  
 Тукун ччурччусса шархъу  
 Белоруснал аьрщарай  
 УрчІазаллийхъай дуссар!

Ва жула Совет улклуй  
 Буссарив къаттавагу  
 Аьраличув къаивкІсса?  
 Аьрай чув къаивкІусса?

Тай цІурду –  
 Лавхъ чирахърур,  
 ЛивтІу вирттаварал дакІрур,  
 Та лишанни – символли  
 Абадлийсса ххувшаврил  
 Оьрмулуд бивкІулияр!

Тай лархъна дикІантІиссар,  
 Дуниял марцІну дикІан  
 Фашист нажастурацІа!  
 Халкъуннал дакІний дикІан,  
 Мудан дагъани кунна,  
 МуқыцІалли цалку шингу,  
 МуқыцІалли ххюлку шингу!  
 «Тикрал хъун мабитари  
 Ва мусибат цІуницІа!  
 Къаларду кунма, бацІи  
 Халкъуннал дакъавричІа!»

## IV

Амма ва Хатынь кунна,  
 Щала дунгъал ччуччин ччай,  
 Ярагъ къярза тІи буллай,  
 Нигбал ццахханну рутлай,  
 Атомрал ракетардал  
 ПаччахІтал бур гъаз хъанай...  
 Нагасаки ччувччумий,  
 Хиросима лах бувмий,  
 Къунтту щаращи буллай,



Царал чявхъарду бутІлай,  
 Бур дунгъал пана дан ччай.

Гужиран гуж аьркинссар,  
 Гужрал заллукъу ххит бан!  
 Мукунсса цІакъсса гужри  
 Гъарца рухІ дуняллий!  
 Циняв цачІун хъияра,  
 Дакъаврил махъ ца бара,  
 Дакъаврил аьралуннал  
 Дасттарду чІяру дара!  
 Яруннал жавгъар кунна,  
 Дакъаву дуруччара!  
 Му гужрал ххит бантІиссар  
 Дяъвилул цІурду лахъулт!  
 ХІазраннив ришлашисса  
 Хъхъувай, дяхтта Хатынь занг:  
 Дяв!  
 Дя-дяв, дя-дяв! Дяв!

Гъалгъа тІий бур гюнгутІив  
 Ссавнихъгу, лухччинухъгу,  
 Леххаврий бур гюнгутІив  
 ЛивтІунайгу, сагънайгу:  
 «Тикрал хъун мабитари  
 Ва мусибат цІуницІа!  
 Къаларду кунма, бацІи  
 Халкъуннал дакъавричІа!»





## Дяъвилул виричу, усттар, композитор...

Га бюхайссар Зунттал Билаятрал цалчинва-цалчинма композиторнан ккалли ан. Дагъусттаннал музыкалул культуралул «самородокнал» яла машгъурмур произведениену хъанхъиссар марш «Горец Дагестана»; га баййсса бивкIссар стройкарттайгу, Хъун дяъвилул чIумалгу; га щаллу буллай бивкIссар хъатIайгу, халкъуннал байраннайгу. 1960-ку шиная байбивхъуну га хъуссар Дагъусттаннал телевидениелул «эмблеману».

Цимурца байбивхъуссар гуржири-чувнан къумукъ душних хъусса ччаврия. Му диркIссар XIX векрал дядизу. ХIаписар Иван Квинитадзе къулдугъ буллай ивкIссар Дагъусттаннал полкираву. Ца шпуртгуву ганан ккавказсар Гелли тIисса къумукънал шыравасса оьну бакIрал ххуйсса душ Къисттаман. Га цанма буциншиврул ганал ислам къамул дурссар. Амма кулпат ливссар. Ца руртун махъ буттал цащала Гуржиянавун увцуссар чIивима арс Исабек, хъунама, Александр Дагъусттаннайва ливчIссар буттарссил Екатерина Семёновнал кулпатраву. Цала буттащалсса дахIавугу чIалачIи дан, оьрчIан дуллуссар кIилийнусса фамилия – Алхазов-Иванов (буттарссил ласнал, Алхазашвилл фамилия ва буттал цIа Иван цачIун дурну).

Оьруснал ва туркнал дяъви байбивхъукун (1877–1878 шинну), 16 шинавусса Александр хушрай лавгссар

фронтрайн, къучагъну талай ивкIссар, Георгиевский крест ва медаллу хIалал дурссар. КIура авссар га инвалид хъуну: ХъарсличIасса талатаври-ву кIусса шаву дирну, ганал ччан никирацIа къувкъуссар.

Ганал хъун увмур ниттин дакIнин багъссар чIивиний Алксандрдун музыкалул инструментру ххирасса бивкIшиву, гай бакъин буллай, зузи буллай икIайсса ивкIссар, цанмагу кIулну бивкIссар зунттал аргъан, гитара, агъач-къумуз бищун. Екатерина Семеновнал ганан маслихIат бувссар Ттуплисливсса музыкальный ремесленный училищелувун уххан.

Александрдул му маслихIат къамул бувссар. Цаппара шиннардива ххаллилну училищегу къуртал бувну, мастер-настройщикнал специальностьгу канихъну, Щурагъ тIивтIуссар Дагъусттаннай цалчинсса музыкалул инструментирттал ремонт дайсса мастерской.

Цаппара хIаллава Александрдул бувцуссар Алхазашвилл душшиврун бивхъусса Анна. Кулпатраву бувссар ряхва оьрчI. АрсначIан дучIайсса диркIссар ганал цала нину Къисттамангу. Га щадитайсса диркIссар яла бусравмур кIанай – бартбисугу бувтсса тахлий. Га дуркIукун, арснал оьрчIалгу – Тамарал, Мариял, Гигол (Георгил) – ххарисса аьлагъужа гъаз байсса бивкIссар: оьрчIан кIулну бивкIссар

мямалдада ссайгъатирттаңал дур-кІшиву, ганил лагма щурун бикІай-сса бивкІссар. Мукусса чІумал Къис-ттаманнул хъярчирай чІукІа байсса бивкІссар: «Гъей, бацІияра, гавуртал!» тІий.

Усттарнал къатри диркІссар ша-гърулдул хъунмур кучалий. Алха-зов-Ивановдул клиентътал бивкІ-ссар музыка ххираминнава чІявуми. Пианино, рояль, гармонь, баян, ги-тара, агъач-къумуз – сайки циняв инструментру усттарнал ххаллилу бакъин байсса бивкІссар. Ганал къа-оъккину цалагу гайннуй чІявумин-нуйну музыка бищайсса бивкІссар. Лагма-ялттуса шяраваллава хъ-удугъултран ххирану бивкІссар ганал дуцлацисса халкъуннал макъаннах вичІи дишин.

Цайнува цува хъусса композитор-нал биография кІул бувсса краевед Булач ХІажиевдул цала очеркраву буккул хъхъичІ дацІан дуллай ур уст-тарнал къатлувусса муданнасса сурат.

«ХІарчІмунил тяхъа уккан увсса хъамаличувнал залуннахъ миннат байсса бивкІссар музыка бищун.

– Нания ххарину бищувияв, – ма-крузанну учайсса бивкІссар Алха-зов-Ивановдул, – нигъачІий ура ина азурда ан.

– Цури му азурда шайма? – цІу-ххайсса бивкІссар хъамаличувнал.

– Инара, – буніяла учайсса бивкІ-ссар залуннал.

– На?! – махІаттал шайсса ивкІссар инсан. – Цукунни му?

– Ина инструментрай щяивкІун урахха!

ТанкІ дайсса диркІссар хъамали-чунал, найрал дачІу риртесса кунна. Бартбису тахлия щяв бутайсса бив-кІссар, махІаттал хъусса увкІманал хъхъичІгу бацІайсса бивкІссар Алха-зов-Ивановдул цала бувсса хъунмасса гармонь».

Усттарнал къатри мийжаннугу «ка-раматсса» дикІссар: магъуй бивкІссар марчбивщукун макъан дуцайсса флю-гер – ваца рекламалул вывеска кунма. Къатлуду чІярусса затру диркІссар –

лампа, хъамаличувнал лувсса кІану, щаран диркІсса самовар – тяхъасса макъанну дуцлацисса. Генерал-гу-бернаторнал цанна пишкаш дурсса протез Александрдул муксса усттар-ну дакъин дурну диркІссархха, І4 шин хъуннин цала душнингума къакІулну бивкІссар ганал ччан бакъашиву.

Амма усттар Дагъусттаннал куль-туралуву ливчІссар цала ляхъан був-сса музыкалийну. Хъхъу дуркІлукун, Александр Ивановичдул флейталий лагъну тІааьсса макъанну дуцлан икІайсса ивкІссар, миннува ххуй дирзмигу чичайсса диркІссар. Оьрму-дул ахирданийнин мукусса компо-зицияртту 70-нния ливчусса хъуссар. Миннува яла машгъурмургу – «Дагъу-сттаннал зунтталчув» тІисса маршри.

Дагъусттаннал бурттигьалтрал полкиран чивчусса марш ххира хъу-ссар аьралитурангу, халкъуннангу. Полк Алхазов-Ивановдул къатрал чІарах нанийни, баяйсса диркІссар ко-манда: «Смирно, равнение направо!». 37 инсан усса оркестрданул буцайсса бивкІссар марш. БакІгу урчІахуннай кІура даен дурну, ттуршахъул бур-ттигьалт бачайсса бивкІссар чурххал лахъсса, кІюлацІасса, урчІа кагу къя-пул ккуркках дирхъуну бурттигьал-трахъ ссалам буллалисса адиминал чІарах.

І9І8-ку шинал ноябрданий Алек-сандр Иванович цала иширай Порт-Петровскалийн лавгссар. Амма махъунай занаикІан къавхъуссар: зунттавунасса ххуллу лавкъуну бив-кІссар. Яла шагърулудун интервентъ-тал бувкІссар. Ххассал хъун ччай, музыкант щяивкІссар бакІрайн ба-гъсса цалчинмур пароходрай. КІира нюжмардий жами хъхъирийх буклай бивкІссар. Яла Ленкораннал портраву бавцІуссар. ЧІявусса пассажиртурайн испанка дирссар. Къашай хъуссар Александр Ивановичгу. І9І9-ку шинал январданий Ленкораннай га накълу хъуссар, тиккува угу-увччуссар.

*ХІадур бувссар  
Гульнара Асадулаева.*

Гюльерханум  
Рустамова





# Яла ххирамур награда

*Табасараннал райондалийсса Гюхряг шяравассса Рустамова Гюльерханумлул 40 шин хъуну дур Дагестанские Огни шагърулийсса № 3 СОШ-лий мюрцими классирттал учительницану зий. Чивиний ванин балай тІун ххирасса бивкІун бур, мунияту бувххун бур Избербашилвсса педагогический училищелул музыкалул отделениелийн. Училище къуртал бувну махъ, мюрцими классирттал учительтал хІадур байсса очно-заочный курсу бувккуну бур. Гюльерханум Рустамова тачІав наградарттал хъириг багълай къабивкІун бур, цила яла хъунмур награда учениктурал чулухасса барчаллагъ бушиву кІулну.*

– 1966-ку шинал гужну дунял су-  
кку хъуну, циняв зунттавусса шяра-  
валлал халкъ арнил кІанайн бизан  
бувна, – буслай бур Гюльерханум Ру-  
стамова. – Мукун тІул кулпат Экен-  
диль шярава бивзсар Гюхряглив.  
На бувссара жула цІусса къатри ду-  
лалисса шинал, шихун бивзун махъ.  
Кулпат бия хунмасса, бавкъусса.

– *Музыкалул образование ласун  
пикри цукун хъуна?*

– Ттун цалчинмур классравува  
ххирасса балай тІун, циняв меро-  
приятярттай балай учайссия. Яла-  
гу, къаччиссия математика. Муния-  
ту язи бувгъуссия балайрдугу тІисса,  
математикалул экзаменту дакъасса  
дуккавил идара.

– *Училищелулу цумур инструмент  
язи бувгъуссия?*

– Шяраватуми чичайва баянда-  
лийн. Бухъунссия, пианино – му жун  
хъиннува хъхъичІунмайсса зат бур  
тІий (хъай бур) Шиккува мукІру хъун-  
нача – колледж къуртал бувну махъ  
на тачІав баян канил къабувгъуссар,  
цІанагу тгуца му бишун къахъун-  
ссия. Та чІумал инструментрал багъа  
бия І20 къуруш. Жул кулпат хъунма-  
сса бия, арулва оърчІ – нитти-бутта-  
ща шайххивав муксса ххирасса зат  
машан ласун?

– *Муниятурав мюрцими клас-  
сирттал учитель хъун бавцІусса?*

–Ттун муданма ччай буссия мюр-  
цими классирттаву зун. Музыка-  
лулсса дакъасса, цинярда предметру  
дачин дуллан. Нава цалчин практи-  
калий гъан бувсса чІумал, на мюрци-  
ми классирттал учительтурачІан-  
гу буххан хІарачат байссия. Опыт  
лахъхъин ччай бия, кІулссия, нава  
чара бакъа оърчІащал зунтІий буши-  
ву. Колледж бувккуну махъ на тІай-  
ла бувккунав мюрцими класирттал  
учитель аьркинсса школалувун. Ча,  
на ччяни мурадлайн бивунав.

– *Музыкания ина дихълай бура?*

– Бурахха. Амма цІана на вин баян-  
далий музыка къабищунна, музыка-  
лул образование тІурча ттун хъинну  
дучІи ляркъуна. ЖучІа бия гужсса  
преподавательтал, жун нотный гра-  
мота лахъхъин дуруна, личІи-личІи-  
сса инструментру бишун, музыкалул  
литература лахъхъайссия. Мунияту  
на цІана вокалданулгу, театральний  
искусстволулгу дарсру дишайссар.

– *Музыка вихъ дишайсса дир-  
кІун дур нишакарсса педагогтурал,  
барбисуртту щачаву тІурча вил  
оьттуттурчІавура духъунссия.*

– Бартбисуртту щачан къакІулну  
жул Табасараннал райондалий душ



шаргума къабулайссар. Ттул ниттин къаччиссия на Избербашливгума гъан бан. «Аман буххан къавхъуния!» – тлий дия. Хъулданий дия, на шаппа личланссара бартбисуртту щашлан тлий (пиш тлий бур). Хахлих на уттигу мякънува бура. Махъва-махъмур бартбису на щавшссар 2006-ку шинал. Танияр махъ хахличлан гъан къавхъуссара.

– *Зунний чIавусса буриу ина щавшсса бартбисуртту?*

– Ца Ю-12 бухъунссар. Цана жул жагъилми мукуйсса бартбисурттах къулагъас дуллайвагу бакъар. Ду-сталлив Ростоврая бучIай, ттул ласнал Эседлул коллегакъул – ванал тийх зий хъунмасса хIал бувссар – тиха бувкIсса чIумал агъ! вагъ! тIун бикIай, гай кIавккукун махIаттал хъанан бикIай: «Майжаннугувила каруннихрив вай щавшсса?»

– *Ихтилат ласная багъувкун, буси мунациал цукун кIул хъуссарав.*

– Ттуйнгу, ттул ссийнгу оьвкун ниттилсичан цIулит батIлан. Тара къини Дагогнелив бувкIуна кIия адиминагу – ахъулсса машан ласун. Бавхъунссия жул шяраву хъинну на-цIусса цIулит шайшиву. Миннавасса ца ивкIун ия яла на шар хъунтIисса чувнал дус. Хъинну мазран кIулсса

оьрчI ия. Цаппара хIал хъуну цува Эседгу увкIуна жуннийн, ттушчал ихтилат бан ччай ия. Ганахъ увкуну бия: «Танил вишчал ихтилат къабантIиссар уссияту рухсат къалавсун». Га кIул хъуна ттул уссишчал, лавсуна ттушчал ихтилат бансса рухсат. Жу чансса гъалгъа бувссия.

– *Ссая бувссия гъалгъа?*

– Га ия цала лугъатрай цирив тлий, ттун цичIав къабувчIуна (хъай бур). Мукун, рязишингу къаларсна лавгун махъунай Эсед. Ппу рязи къавхъуна. Жун га къакIула, гайннал куллат, чарив архния ур увкIун. Яла тIайла бувккун ниттилсугу, ттула ссугу Дагогнелив, га цуриу кIул ан. Увкун: «ххуйсса инсан ия». Хъириу мур шинал «ххуйсса инсан» увкIуна ттул хъириу. На махIатталгума хъунав. Амма га ттун хъхичIава кIулсса инсан куна чIалай ия. Ахиргу Эсед цала мурадраин ивуна.

– *Уттиния вин ласнал лугъат кIулхъунссар.*

– КIулликъай. Утти ттул маз шаппа бакъассар бувчIай – на гайннал лугъатрайн лавгун.

– *Зий ца школатий бурув?*

– Бур. На Эседлукъ най бунава увкуссар: «Вила Дагогнелив ттун даву къалякъирча, на вин къахъунтIиссара».



– *Цана душру бур машинартту тIалав буллай, инариг зунсса кIану тIалав буну бур.*

– Даву дакъа ттуща бацIан къашай. Ччай бакъая шаппа щябикIан. Мартрал Iо-нний хъатIи бувссар, апрельданул I-нний на даврийн бувкссара. Вана утти хъанай дур ттул ацIулчин-мур выпуск. Юбилей.

– *Вила выпускниктурал оърчIахъгу дарс дихълан багъсарив?*

– ОърчIал оърчIахъума! (Пиш тий бур) Педагогический стажрал 40 шин – му хъярч бакъархха.

– *40 шинал хъхъичI инава дарс дихълай бивкIсса оърчIалгу, уттисса оърчIалгу дянив хIисав шайрив личIи-шиву?*

– ХIисав шай цана цамур чIун душиву. Таний педагогнал авторитет дия, цана му чIалай дакъар. Ттулами оърчIая на цIуру-кIуру буллай бакъара: ттул оърчIру бусрав-барчаллагъ бусса бур. Ттул учениктал зукъазисса кIану чув буссар! Буххара цумур-бунугу идаралийн – гиву чара бакъа уссар ттул ученик. Даин ххариссар на ккаккан, хIадурну уссар кумаг бан. Мурихха педагогнал яла хъунмур награда – учениктран цува дакIний ушиву.

– *Вилами оърчIру циксса бур?*

– КIия арс ва кIива душ. Эльдар, Идрис, Венера ва Фатима. Чивимур душнил личIаннин, гайминнал циняннал цала-цала кулпатру буссар. Чивимунил учай: «Ттун ттула мямма кунасса гьалмагъай ччай ур». На ганихъ учара: «Га ца экземпярди усса, гукунсса ххишала бакъассар» (пиш тIий бур).

– *ОърчIру Дагъусттаннай буриг, къатIув буриг?*

– Жул оърчIру бур кIива шагърулийх бавчIуну: ца арс ва ца душ – Мурманскалив, гайми – Ростоврай. Гъинттул циняв шилун бучIай, къатравух буссар оърчIал оърчIру лечдай, – шама бур гайннал оърчIру, байбишайссар тIааьнсса лечу-ххичу. Гай лавгукун къатри дачIра шай. Мукунсса бур, да, оърму.

ТалихIиннаран, жун жува (навагу, Эседгу) жагъилнува чIалай буру, энергия уттигу дур, жуласса жува бан бюхълай буру. Жун кIулли хъунив хъувкун жува оърчIал жувалу къакъабитантIишиву.

*Руслан Бакидов*





Василий Верещагин

# Нугъай

*Хъунасса баталист, маишгурсса «Апофеоз войны» тIисса суратрал автор Василий Верещагин дунияллий чIявусса кIанттурдайн ивсса, ивсса Кавказнавунгу. Ганал аьрххирдайсса чичрурду ва суратру, паланг мазрайн таржума дурну, ришуну диркIсса «Le Tour du monde» («Кругосветное путешествие») тIисса, журналданул 1868-1869 шиннардий. Очеркирттаву бувсун бур личIи-личIисса миллатирттая, Кавказулал дяьвилул иширттая, масала, ЗакатIаллай лезгин ХIажи-Муртуз бакIчину хъусса восстаниелия, дур ганал суратгу; бувсун бур Аьшурдул Къини шиаьнал тIайла дуккайсса куццуну ва чIявусса цаймигу затру.*

*Бишлай буру ми очеркирттаваасса парча – нугъайнаясса очерк.*

Къиблалайн нани ххуллий ттун чIявусса нугъай хъуна бакълай бия. Гай бия къалмухънал авлахъирттая Ттуплиссулал чулийн най. Цирик ца аьжаившиву дия гайннал аьрххилуву. Му зат бувчIин баншиврул бурган аьркинну бур миннал лавгмунивун, ми Турциянавун бизан баврия бусан, тичча утти ми бур Аьрасатнавун занабикIлай, цала къариртсса минардайн.

Ци савав диркIсса ми бизан баврил? Му духъунессия миннал ялувсса хъуниминнал рушватру ласлай бивкIшиву. Амма хIисаравун ласун аьркинссар, цала ватан къаритавриву циняв гайми бусурман кунма, вайгу Турциянай хIайран хъанай бивкIшиву. МуницIун ххи бувара

къакIулмур кIул бан ччисса гъирагу, чил билаятрай бигъану оьрму бутлансса хългу. Ттун ттунма хIисав хъунни, бусурман диндалул инсантал личIинува кIункIу тIун бикIай туркначIан. Ца ИстIамбул тIисса цIанилва личIи-личIисса кIанттаваасса бусурмантал, мискинтал, хIайран бай. Тикку цанна хIакъсса дингу, неьматгу, ххаришивугу, паракъатшивугу лякъинсса пикрилий бикIай.

Нугъай утти мукIру хъуну бур ми цала умудру нахIакъсса бивкIшиврий. Хъуни мукъурттил хъаврин бувну, цала думургу дарххуну, даххан къашаймургу къариртун, кIапIа-кIапIаллу дурну нугъайннал агълу бавчуну бур Турциянавун. ЧIявусса ливтIуну бур тикку ккашилгу, багъ-


тӀат хъунугу, цайми иширттайнугу. Та ялун бувкӀми къаххирасса аьрщарай ливчӀмигу Турциянал хъуни шагърудай щярайх буклай бур.

Обруснал хӀукуматран кӀул хъувкун, цала канилу бивкӀми мукунсса даражалийн бивну бушиву, миннал маслихӀат бувну бур ватан-далийн кӀура баен ччиминнан кумаг бан. ЧӀявуми нугъайнал му маслихӀат къамул бувну бур, ттун Ттуплислив нани ххуллий хъуна даркъусса кӀапӀаллугу бивкӀун бур махъунмай за-набивкӀсса нугъай.

КъурчӀину бия гай тӀартӀсса ян-нардавусса, ккашил литӀавайсса гъаривтурах уруглан, гай бия цала багъу-бизу низамрайн буцаврлсса буллаь, ИстӀамбуллайнгу, цивппа хъяврин шаврийнгу нааьналий. Нугъай щябивкӀсса аьрщи дур Кавказуллал ухссавнил ва баргълагаваллил дазуйх кьиблаллий, къалмухънал авлахъирттайн дияннин. Му хъун-масса кӀанттуйн учай Нугъайннал авлахъ куну.

Нугъай бур хӀал бавкъусса, захӀмат буллалисса халкъ, цивппагу бигъану аьдат хъанай бур мина дусса, куч къахъанахъисса оьрмулийн. Хасият, аьдатру къалмухънаха лархъусса дунугу, мина ца кӀанай дишаврил чулуха ми къалмухънаяр хъхьичӀ бур. Гихунмай хавар лахъи къабулланна, ттула чӀунгу диркӀун дакъахъукун миннал минарду, къуш бивщусса кӀанттурду ххал буллан.

Ттуца карандашрах дурсса цаппара типичныйсса сурат ттула чичрулуву дулун шавугу укунсар: ттун хъуна бавкъуна Турциянава занабивкӀун нанисса нугъайнал ца ккучун, ми бия ххуллучӀа бигъалаглай. Миннал улахъгу, цала заллухъру кунма, илтӀасса бия, ххуллул кӀивагу чулух ххиттул дурцӀусса, дюкъархъусса урттуй канаки бувну. Арантал бия тӀаннуя къусри, вьртӀри ва цайми затру цӀуцӀлай. Ми цимурца гиккура чӀарах нанисса хъудугьултран даххайва. ЧӀявуми хъами бия тӀартӀсса



яннарду дакъин дуллаь, гайннавацца гаймигу – къадакӀмяшсса лархъхъу накъру дуллаь бия.

ОьрчӀру, лехлахисса зимизру кунма, гъунттал чӀарав гъанай бия, лахъисса ххулийх ккашил хъусса цала лякърангу ци-дунугу дагъанхъуви тӀисса кунма. Вай алшибакъултрай ттун хъиннува язухъ хъуна, вайннашсалсса ихтилатрава кӀул хъувкун, хъхьичӀра вайннал тагъар ваксса-ра оьккисса къадиркӀшиву, укунсса мяркъу цанма шаврий куннал куннай аьйрду дуллангу дия вайннахъ ихтияр. Вай нугъайнава чӀявусса бур сайки марцӀну оьрус мазрай гъалгъа тӀутӀисса, мунилгу буслай бур вай мадара итххяхъсса бушиву. Хаснува цайми кӀанттул халкъунахъ бурувгун – тайннан хъинну захӀмат шай цанма къакӀулсса чӀурду лаласун, маз ххуйну къабувчӀай.

Ттунма нугъайнал учин буллусса ххуй бакъасса танмакулул къалиянгу ссупӀ увкуну, на цаппара гривеникру буллуссия нара эскизру цая ларсъсса нугъай адиминан. Миннухлу ттун ххуллийн азихъгу буллуна, чӀявусса зукьлурдугу бувна.

– Ина жул хъамаличура, – увкуна ттухъ вичӀив зурчӀай тӀисса къужлул, дусшиврий хъачӀрайх хъатгу рирщуну, – Ставрополлайн ивукун, цӀухха Аль-Аль къужлуя...

*ХӀадур бувссар  
Гульнара Асадулаевал.*

Разият  
АхІмадова





# Ванил дузал дурсса ДУНИЯЛ

*Ниттил мазрайсса гьалгъа ванин чІалай бур жюр-жюр тІий нанисса щаращи кунма, я дайди хъу, я дайлитІу дакъасса, цила даралувух най, тІабиатрангу, инсантурангу творчестволул гъунар хъун буллалисса. Жу хІакъину бусанну Разият Абдуллаевна АхІмадова. Ва бур литераторовед, филологиялул элмурдал доктор, профессор, Аьрасатнал Чичултрал союзрал член. Ванил жухъ бувсунни цила пишалул ххуллий хъуна бавкъусса чІявусса бусравсса инсантурая, гай хъуну бур ванил чул бищай кІанугу, ванил яла гъанмур ккурангу.*

## Пну

ДакІний бур цила оьрчІзамана, кулпат. Буттал шалва оьрму хас бувну бур просвещениелун: «Учитель Абдулла Бекеевич АхІмадов, дяъвиллий чІявусса ккавказса фронтовикри. Сагъну аьрая кІура аен кьисмат хъувкун, ганан гьарца оьрмулул лахІза бусравну бивкІссар. Цала кІулишивурттугу, багъа бищун къашайсса цала оьрмулул ва пишалул опыту чумартну инсантурачІан биян булдай ивкІссар».

Буттал бусайсса бивкІун бур, цува І7 шинавусса жагьил, фронтрайн лихълай ивкІшиву, га цимилгу махъунай зана ивтун ур. Ахиргу военкомнал ганан танмихІ бувну, Сухумрайсса пехотный училищелувун дуклан гъан увну ур. Га къуртал баннинва агъну ур фронтрайн, виричувну талай ивкІун ур, ясирнугу иривну ур, амма ливхъун, грекнал ЭЛАС сопротивлениелул кьукърацІун хъуну, грекнал партизантуращал архІал фашистътуращал талай ивкІун ур Хъун Ххувшаву ласуннин.

Дяъви къуртал хъуну махъ Абдулла Бекеевич учительну зий ивкІун ур

Дагъусттаннал учительтурал кІулишивуртту ларай даврил институтраву, Просвещениелул министерстволлийгу, итабакълай ивкІун ур ниттил мазрайсса учебникру. Ххаллилну суратгу дишайсса диркІун дур. Цала душварахъ бусайсса бивкІун бур цукун хъуна бавкъуссарив цанма гайннал дада Кумсият Хизриева. Цанна хъусса ччаврия. Ххишала цивппа мундан цачІу бивкІшиврия. Ганан цала гьалмахщар бусравну бивкІун бур хъинсса хасиятрайну, цахава ва оьрчІаха дуллалисса аякъалийну, ненттабакІ тІивтІуну хъамал къамул байсса бушиврийну. Ганал цала щарссанийн «занная рухІ» учайсса бивкІун бур. Га майжаннугу алжаннул лелуххи кунма, кулпатраву ччаврил ва гъилишиврул атмосфера дузал буллай бивкІун бур.

## *Ниттил мазругу буттал кІанттул чІолушивур*

Разият Абдуллаевнал бувсунни цуппа бушиву ратІув дирхъусса къумукънал шяраву. Ванил буттал хІарачатрайн ганияту хъуну бур Къарабудахкантул административсса



единица, цѝа дирзун дур Къакъа-машчи.

Дѝавилул хъиривсса шинну Разият Ахѝмадован дакѝний дирчѝлун дур Ххувшавриясса ххаришиврул дурцѝлсса шиннуну. Инсантуран ххуйну яхъанан ччай бивкѝлун бур, гъирарай захѝмат буллай бивкѝлун бур цала билаятрал цѝаний, лирмур дазлай, лекъа-пѝякъу хъумур цѝудуккан дуллай.

«Та чѝумал шяраву чансса къабикѝлайва Дагъусттаннайн бувкѝсса учителѝтал. Дакѝний дур Первомайран хас дурсса, патефондалуцалсса маѝвкартту. Къурдарав, тяхъасса балайрдащал, къавтѝавурттащал, хъярч-хъяхъавурттащал лагайва цирдагу. Га дия махѝатталсса чѝлун. Дѝавилул хъиривмур ник дия оърмулия ххарисса. Даврия нигъа къабусайва. Дѝави яла лавгсса цѝала оърмудулва инсантуран даврих гъира бутлай бия. Оърму цалнияр цал ххуй хъанай бия. Нину-ппугу жагъилну бия. На хъунма хъанай бияв ччаврил хъихъи бивтун, буттал кулпатрахсса аякъалудя ххарину, бургъил чани куннасса, циняннан бусравсса ниттил хъин бивтун. Га мукун лирчѝлуна бусса оърмудухун...»

Буруккин бакъасса оърчѝзаманнул жазира кунна дакѝний лирчѝсса зунттал шяраву Разиятлуду дирхъуну дур оърму ххирашиву, цийнма цуппа вихшиву. Зунттал цѝѝланма кѝлункѝ буллай бивкѝлун бур: ссурулун щѝлащисса кѝяласса бакѝру, инсанал ша къабивзсса хъачѝру – миннул чантѝ учин буллай бивкѝлун бур кѝийн гъаз хъунсса гъавас. «Ттун кѝайннуву чѝалан дикѝлайва ляличѝсса магърал дуния. Яруннил хъхъичѝ бацѝлан бикѝлайва махѝатталсса сюже-тру – ччаврия, душмантуращалсса талатавурттаву ххувшивуртту ларсѝсса вирттаваря. Мукун ттуву цѝакъ хъанай бия ттула халкъуннал исторѝялуду ва литературалухсса гъира, ччай бия хъхъичѝзаманнул эпосрачѝлан, бусаларттал вирттаврачѝлан, тарихраву цѝарду къариртминначѝлан гъан хъун. Бюхъѝйсса ксса ххуйну кѝул бан ччай бия ттула ниттил маз, миллатрал маз – ганий бия гъалгъатѝий халкъуннал бусаларттал, лувля-къурттал геройтал».

Ялун буккансса филологнан хъун-масса кумаг хъуну бур та чѝумал цѝа яла хъхъичѝлунмурну бивкѝсса 13-мур специализированный Махѝачкъа-

лаллал школаду в дуклан нясив шавугу. Гиву куртнун лахъхын буллай бивкнун бур ингилис мазгу. Ванища бювхъуну бур пишачинал даражалий чил маз лахъхын. Цуппагу мукун лавхъхъуну бурхха, ванил педагогнал даву дайдирихъуну дур институт къртурал баннинна, ингилис маз кнлшиврул экзамен дулайхту – зун бивкнун бур Учителтурал кнлшивуртту ларай дай институтраву.

### *Бигъа бакъасса, амма шавкъ дутлатисса...*

Та чумал ялун хъунтисса педагог тлайла бувккун бур Къарабудахкентлив ва Лув Гъазанишлив ингилис мазрал дарсру дихълан.

– Учителнал практикалул цлакь дуруна ттул ингилис мазрал кнлшивуртту. Преподавательнал даву-гу лархъхъуну, педвуз къртурал бувну махъ на зун бивкнра Щурагъ, 7 ва 5 школардаву ингилис мазрал дарсру дихълай. Амма ттун гъира бия элмулуха зун. СССР-данул элмурдал Академиялул Дагъусттаннайсса филиалданул элмулул библиотекалуву библиографнугу зий, на буссияв тиккува аспирантуралувугу дуклай.

1988-ку шинал Ттуплислив, Шота Руставелил цанийсса Грузиянал литературалул институтраву на дурурчуссия кандидатшиврул диссертация – «Жанр поэмы в кумыкской литературе». Тава чумал Грузиянаву докторнал диссертация дуручлай бия Х.И.Цадасал цанийсса ИЯЛИ ДНЦ РАН-далул научный сотрудник Чаккар Юсупова. Жу дустал хъуссияв. Му дусшиву шалва жул оьрмулуву хнлра кърархъуссар.

– Элмулул наставниктураву ттун тлайлабацн хъуссар. Миннаву бур Салав Махматсалихович Аблиев-гу, Абдулкадир Юсупович Абдулатипов-гу – миннан элмулуву интерес бия циняв инсантуран цацлусса ценностирттал чулухагу, миллатирттал дянлив культурарттал диалог шаллу бавривугу, миллатру гъарзасса

дагъусттан литералул мировоззрениелул функцияртту шаллу баврил чулухагу.

Разият Абдуллаевна булдугъну зий бивкнссар элмулул ххуллийгу, преподавательнал даврийгу – ва бивкнссар ДГУ-рал Аьрасатнал миллатирттал литературардал кафедралул доцентну, профессорну. Ва ккалай бивкнссар «Дагестанская литература», «Литература народов России», «Методология литературоведческих исследований» тисса лекциярттал курсру. Ва бивкнссар студенттурал курсовой, дипломный, магистерский давурттал каялувчину, ванил каялувшиврулу чирчуссар диссертациярттугу. Чялишну гьуртту хъанай бивкнссар республикалул литературалул ва элмулул давривугу, элмулул конференциярттай жула биляятрай-гу, дазул кьатлувугу докладру, лекциярттру ккалай. Ванил итабавкъусса луттирдан – «Кумыкская поэма», «Духовная интеграция народов Дагестана в литературе», «О благородстве, щедрости и чести» – элмулул жяматрал лахъсса кымат бившунни.

Разият Ахматовал элмулулуха зузисса даврил хъиривмур щачлану хъуссар ДНЦ РАН-далува докторшиврул диссертация дуруччаву.

Разиятлул вихшаласса чул бищай клану бур кулпат, оьрчнл, ванин минная пахру бур: «Душ Гъажара интервьюердал дизайндалул гъунар бутнлурай бувккун бур. Арс Аьлибек ур айтишник».

Ва ххари буллай бур оьрчнал душварал, вай шанма бур – Кумсият, Аминат, Сафийка. Разият Абдуллаевна вихну бур вайнналгу Дагъусттаналгу традицияртту бусравну дачин даншиврийн, цаламур дуниялгу дузал даншиврийн, халкъуннахъгу мунияту бувсун.

*Аьйшат Тажудинова*





# ЛитІунцІасса дусшиву

*Кастий хъхъирил «вахІиш» пляжрай душил кьаркъала ляркъуну Іо шин ххишалагу хъуну дур. Мунил бивкІудуву тахсиркар бувну бур мунила яла хъхъичІунмур подруга.*

Саида ва Наида (хавардануву цинярда цІарду даххана дурссар) хъуни хъуну бур Дагъусттаннал зунттавусса райцентрдакий, цалчинмур классрава байбивхъуну дусталну бивкІун бур. Хъуни хъувкун миннал ххуллурду батІул хъуну бур: Саида МахІачкъалалив лавгун бур шагъру мютІи бан, Наида зунттаву бавцІуну бур. Амма куннишал куннил дахІаву диркІун дур, цаннил цаннин чІу баян байсса бивкІун бур, соцсетирдаву чичайса бивкІун бур. Саида щар къавхъунма бивкІун бур, Наида щаргу хъуну, личІигу хъуну бур.

Дягъинттул Наидал подругахъ цІуру-кІуру бувну бур, цув зунттаву бизар хъанай бура, хъхъиричІа бигъа лаган ччай бур куну. Саидал ганийн МахІачкъалалив обькуну бур. Тагу, дартІун цила аьркинмургу, ласная бивсса цуппа заллусса автомобильданийгу щябивкІун, кІира ссятрава бивну бур шагърулийн. Къунниялай тяхъану чІунгу гъан дурну, кІюрххил хъхъиричІан гъан пикри бувну бур, амма шагърулудмур пляжрайн бакъача, аьркин бакъасса ярунния архсса, щингу «марцІсса» кІанайн.

Подругахъул бивну бур шагърулуд къатІувсса пляжрайн, амма миннан тикку къа дакІ даркъуну дур: халкъ чІявусса бивкІун бур. Лавгун бур вахІшимур, чарттаримур пляжрайн, бивщуну бур чятир. Душру «топлес» (кІачІанма) бургъилун багъсса чІумал, гайннал чІарах моторный лодкалий кІия авурсса жагъил най ивкІун ур. Дахъра цайнна чурх-

лихъултгу дирчуну, гайннал оьрчІайн ка галай дурну дур. ОьрчІру гъан хъуну бур. Гай бивкІун бур Марат ва Арсен. Гайннал душру ккалли бувну бур ча-бунугу бувкІсса туристътуран, ххал барча – жулами! Жагъилтурал икьрал дурну дур къунниялай цумур-бунугу ресторандалуву хъуна бакъин – хъхъиричІансса трассалий ми цикссагу бурхха.

Марат Москвалив дуклай уну, каникуллай нитти-буттачІан увкІун ивкІун ур. Арсен ивкІун ур га ресторандалуву охранникну зий, амма га къини ганал выходной ларсун диркІун дур.

Ахттакъунмай мукъагу хъунабавкъуну бур, амма кабинкалуву къащябивкІун бурча, ресторандалул хІаятравува щябивкІун, гъанттайнсса канай, алкоголь хІачІлай бивкІун бур. Шиккува бусан, хъунабакъиннинва, дяхтта, душварал пивогу хІарчІун дур, ресторандалуву циксса хІарчІссарив кІулну бакъар.

Та хъхъуну ишру хъинну дирину бавчуну бур: 22 ссятраву бувччу хъусса Саида ва Марат чІаххувсса кабинкалуву паракъат хъуну бур. Наида ва Арсен ца мукъуйн къабувкІун бур. Марат столданухун занайвкІсса чІумал, Саида бусса кабинкалувун Арсенгу увххун ур. Марат Наидащал хъярчирдай ивкІун ур, га подругал ялув азурда къабуккан. Цаппара хІаллава Саида Арсеннушал кабинкалува бувккун, столданух щябивкІун бур. Саидал подругал вичІилухун цирив увкуну бур, тагу бавчуну бур га

столдануха бизан буллай, махъунмай пляжрайн, палаткалуну гъан, амма подруган гъан къаччай бивклун бур, бувххун бура тлий. Оьрчлал маслихлат бувну бур ресторандалучасса гостиницалул номердаву хъху рутан, амма Наидал увкуну бур кюрххил ссят 5-нний цанма махъунмай гъан аьркинссар, муниату занабиклан аьркинссар куну. Мунил цаний душварал аьлагъужа хъуну бур, бивну бакъар, амма Наида бивклун бур подругахун дяъвай, оькки махъру тлий.

Судрай Арсеннул увкуну бур Наидан хъинну сси бивзуна цахъва гостиницалуву бацли учаврий, яла кивагу гичча лавгуна куну. Муниар махъ Марат ва Арсен ялагу ца клулсса инсаннащал хъуна бакъин лавгун бур, ганащал гай чани хъуннин ливчлун бур: бильярдрай букалай бивклун бур.

Кюрххил ца игъалалагисса адиминан, пляжрах зуманих лечлай унува, хисав хъуну бур гъагъари бувсса чятир. Вив урувгукун, гиву ккарккун дур нурчли, оьвкуну бур полициялийн. Чятирданучла спецслужбартту ва халкъ бавтлсса члумал, чларах лодкалуну най бивклун бур Марат ва Арсен: душру лавгун бури-бакъарив ххал бан. Зуманив гъан хъувкун, оьрчлан хъумур клул хъуну бур. Гай чятирданул вив бурувгукун, оьрчлан Наида бувчлуну бур, бувсун бур ганищал ца душ ялагу бивклшиву.

Яла махъ судмедэкспертнал дунтлссар заключение: **Наида бивклуну бур баклрай тлртлсса черепно-мозговой травма хъуну, му цурдагу дурну дур саргъун дакъасса зумарду дусса, амма дайл дакъасса къянкъасса затрах, бюхъай чарих. Бивклуну бур хъху дачли хъусса члумал. Амма душний гуж бувну бакъар.**

Гара кьини Наидал ниттил, га най клура баллай бакъахъувкун, гайннайн оьвкуну бур, амма телефон «лерщун» дирклун дур. Ганил Саидал номерданийн оьвкуну бур, ганилгу

жаваб къадуллуну дур. Нину дирклун дур щала кьини кивагу номерданийн оьвтлий, амма ... Къунниялай полициялул сотрудниктурал ганин баян бувну бур душ бивклшиву.

Наидал ниттил цила Махлачкъалаливсса арснай ялув бивхъуну бур Саидачлан шавай гъан. Га лявкъуну бур паракъатну шанай. Так къунниялай Саидан клул хъуну бур цила подруга бивклшиву, цукуннив мунил хлакъираву аварагу къабувну бур. Соцсетирдаву цинма клулминнахъ буслан бивклун бур Наидаяту, цивппа бивклсса чятирдануву бивклуну лявкъушиву, та тикку лявкъусса цихъва щилчлав бувсун бакъана.

Бардултрал буслай, Саида укунма инсантуравух хлала бакъасса бивклшиву бувсун бур, миккурив бувчллай къабивклун бур, циван бусласиссарив циняннахъ цуппа Наидащал дяъвай бивклшиву, Наидал цила яннагу чятирданува эки дирчуну, цуппагу буккан бувшиву, муниату цуппа шаппай попуткарттай бувклшиву.

**Саидал ва гайннал клинилвагу подругал Аминал бусаврийн бувну – ганищал хъуну бур Наидал махъва-махъсса ихтилатгу – душру майжаннугу дяъвай бивклун бур. Конфликтрал савав хъуну дур Саидал Наидахъ бусаву цищава ца хъхъуну клия оьрчл «хлайран ан» хъушиврия. Амма подруган цимурца укунмагу бувчлуну бур. Саидал бусаврийну, Наидал истерика дурну дур, ганийн нач-хларава бувкмур куну, оьккисса махъру куну буру, циняннахъ бусанна цила къеллая куну, цищала ца чятирдануву уттугу къабишинна, дакл оьзлай дур куну (чятир Наидал бивклун бур)»**

Та барчабакъасса хъхъуну Саида, цила кьайгу, ресторандалул столданиясса дукрагу, Наидал карточкагу ларсун, пляжгу къариртун, попуткарттай шаппай бувклун бур.

Следствиялул члумал Саидал къатлуву цлукла бивхъуну бур, **ляр-**



кѳуну дур чаннану ятѳулсса, оѳрусса ттангѳригу дусса бриджи. Эксперт-изалул ккаккан бувну бур бриджирттайсса ттангѳри бивклѳумунил ѳѳтѳул ттангѳри душиву. Яла Саидал цала клѳинилвагу гардерѳ хлаласса буссия куну бур, янна кун-нилсса куннил лаххайссия куну, мунияту бюхѳайссар танил ѳѳтѳу бриджирттай ливчлѳн биклѳн. Амма гѳухѳал ва аѳгѳушиврул экспертизалул ккаккан бувну бур гѳухѳ так Саидалсса душиву. Ялагу ларсун дирклѳн дур клѳяласса шанийхруту, Саидал цицала ларѳѳсса, танийгу ляркѳуну дур хѳун дакѳасса бивклѳумунил ѳѳтѳул ттангѳа. Цѳухла бишайни сотрудикинал кѳулагѳас дурну дур Саидал михѳиртталгу: гай кѳувкѳуну бивклѳн бур. Амма кѳувкѳуми фрагментру кѳаляркѳуну дур, мунияту михѳиртталу дирклѳмунил анализ дан кѳавхѳуну бур.

Следствиелул члѳмал бивклѳмунил нину дирклѳн дур Саидачлѳту цила душнил компьютер ласун ччай, амма танил кѳабулдуу бур.

Саида бувгѳуну бур показанияртту ласун, ганихѳ полиграфрай ххал бавугу кѳамул бува куну бур, га рязи хѳуну бур. Миккугу эксперт-полиграфологнал укунсса выводру дурну дур:

Ялун дирчунни психофизиологический реакцияртту, цалгу барашин дуллалѳсса Саидан клѳлшиврия преступлениелул деталаясса информация, мунияту мунил: следствиелѳа клѳчл дуллаѳ бушиву цукунсса-дунугу мѳйжанѳсса фактру, цила данна тлѳй дурмур, пляжрай Наида бивчлѳнѳсса, ганил чурххан зарал буллаѳ бивклѳшиву – баклрайх ришлай.

Саида СИЗО-лѳвун тлѳйла бувккун бур. Защиталул хларачат бувну бур полиграфрал члѳлалчлѳ бувмунил савав цамур хѳушиву ккаккан бан – ай душ шанма гѳантлѳй дукрагу кѳадуллаѳ, психологический давлѳ-

ниелул дазурдаву бивклѳшиву буслай, душнил реакциягу так цила подругал цлѳ баллалѳйни хѳанай дирклѳшиву. Амма цуппа Саида аѳрзирай бакѳая. Полициялуву ганил клѳира хѳхѳува ца кѳинири дурсса, дукра ганин дуллаѳ бѳия. Ялагу бусан, полиграфрай ганихѳхѳун цайми суаллугу буллаѳ бивклѳссар, Наидал цлѳнишлѳсса, амма миннун цукунчлѳвѳсса реакция кѳадирклѳссар.

Му бакѳассагу, следствиелул члѳмал Маратлул бувсун бур, цѳва Наидашл занг дуллаѳ ивклѳн, ганил ихтилѳт бацлѳн бушиву, «Ацлѳ, Саида цила бузлул хѳириѳ бувклѳннича» куну, трубка бивхѳушиву. Амма судрай ѳѳрчлѳл цала показанияртту даххана дурну дур, му зат даклѳний бакѳар куну. Туну, му хѳанай дур защиталул бардултрайн кѳюч бѳгѳаву члѳлалчлѳсса даву.

Защиталул чулуха цаймигу дѳя версияртту, тахсир цайминнай бѳхѳлай бѳия. Шак баѳгѳлагѳминнаву ккаккан буллаѳ бѳия цаймигу пляжрай, кѳавтлѳлул чларав кѳавкѳсса клѳия инсан. Амма иш хѳусса клѳану ххал бувукун, цукунчлѳвѳсса кѳавтлѳлул аѳш-бакл ляркѳуну дакѳая.

Следствиелул дартлѳсса доказательствартту гѳа хѳуна приговор баян бан. Судрал бацлѳн бувѳсар Саида тахсирлуѳшиврий преступлениелѳву, цѳв ккаккан дурсса ч. 1 ст. 105 УК РФ (инсан ивчлѳву) ва танмихл – 8 шинаѳ тархѳаншиву ласаву аѳмѳсса режимрал колониялуву. Кассация хѳуну, приговор баххана кѳабувѳсар. Колониялуву бунѳйгу Саидал клѳйла прошение булѳуссар условно-досрочныйну тархѳан баврийн, амма клѳйлагу му отказ бувѳсар.

*Виолетта Ратенкова*



*Аймани*

## 1-мур июнь – Дунияллул дянивсса оьрчІру буруччаврил кьини!

ЧивитІуй, чивитІуй,  
Луттирал дус хьу,  
Азаруннал аькьлу  
Миву буссарча.

Азаруннал гьунар  
Миву буссарча,  
Луттирдая бизар  
ТачІав машара.

Багъан бити дакІнивн  
Элмулул чани,  
Му чанная дува  
Хияллал хьару



## «Семантика совести»: путь Лауры Феталиевой

*О таких, как Лаура Феталиева, говорят: «Этот человек на своём месте». Судите сами: 25 лет педагогической деятельности, звание «Отличник образования», учёная степень кандидата филологических наук и недавняя успешная защита докторской диссертации.*

*А ещё она возглавляет Управление по делам молодёжи Дагестанского государственного педагогического университета имени Расула Гамзатова.*





В семье у Лауры Платовны не было филологов. Родные – люди практических профессий. Но дом, где книгу держат с уважением, а сказанного не бросают на ветер, – был.

А однажды случилось детское изумление, которое всё и решило.

«Я вдруг сделала важное открытие: одно и то же слово может утешить, может убить, может воскресить. Как это работает? Хаос чувств обретает форму только в слове. А когда в институте увидела, что филология – не скучный разбор по членам предложения, а живая ткань смыслов, – осознала: это навсегда».

На вопрос, изменилось ли самоощущение после защиты кандидатской, она отвечает следующим образом:

«Я почувствовала себя кандидатом наук не в день защиты, а накануне, ночью. Как-то неожиданно задалась вопросом: «Зачем я всё это делаю?» Ответ пришёл незамедлительно.

С тех пор я заметила метаморфозы в своём голосе – он стал спокойнее, увереннее, ведь отныне за каждым «кажется» стоит «доказано». Преподаватель – это проводник. А кандидат наук – тот, кто сам создаёт новое знание. Разницу чувствуешь не сразу, но студенты – чуткие, всё видят».

Как она поняла, что значит быть начальником управления по делам молодёжи? Не на совещании, не в момент подписания приказа о назначении, а в два часа ночи, когда разбирала сообщения от студенческого актива. У ребят случился конфликт, и кто-то написал: «Лаура Платовна, если вы не вмешаетесь, – мы пропали».

«Вот тогда и пришло осознание: ты не чиновник. Ты мост между «хочу» студента и «можно» университета. И если этот мост рухнет – пострадают судьбы детей».

*– Учёная степень или должность делают вас человеком влиятельным в молодёжной среде?*

– Студенты видят кандидата наук и доверяют его аргументам. Без филологической базы моё администрирование можно было бы с уверенностью считать бессмысленным. Настоящее влияние – когда студент чувствует: этот «чиновник» (она смеётся) на самом деле понимает, о чём говорит. Поэтому я не выбираю. Беру и то, и другое.

Оказывается, у Лауры Платовны есть правило, как её представлять на мероприятиях. Когда событие внутриуниверситетское, она просит называть начальником Управления по делам молодёжи. Чтобы ребята сразу знали: перед ними человек, который выслушает и поможет. А когда наша героиня, к примеру, участвует в научных конференциях, – предпочтительно обращение как к учёному-филологу. Потому что так ты становишься сопричастным профессиональному сообществу вне зависимости от того, какой пост занимаешь.

Лаура Платовна работает доцентом на кафедре педагогики: «Я стою на перекрёстке, где слово встречается с воспитанием. И это самое интересное место в науке», – объясняет она. Филология открывает ей все грани языка, понимание текста, умение слышать подтекст. Педагогика – законы, по которым строится обучение. Вместе они позволяют учить будущих учителей не только методикам, но и главному – культуре речи, умению услышать ребёнка, заметить манипуляцию в учебнике. «Без филологической оптики педагог – как хирург без скальпеля», – объясняет она. И добавляет: «Я не ушла из филологии. Я пришла в педагогику через филологию. И благодарна судьбе за этот путь».

В конце я попросила назвать не должность, не звание, а три слова, которые её определяют. Она ответила: «Та, кто понимает».



Да, суть преподавателя – понимать студента. Суть руководителя – понимать проблемы, страхи, надежды. А должностные полномочия – это способы легализовать это понимание.

У Лауры Платовны большие планы: завершить докторскую, развивать молодёжную политику университета. И просто радоваться жизни.

Женское счастье в её видении состоит из казалось бы обыденных деталей: улыбки студента, поддержки семьи и возможности постигать новые горизонты в профессии. А большего и не надо.

*Саният Эмирова*



Танзиля  
Гарипова



## «Женщины доказали, что могут руководить и компаниями, и целыми странами»

Танзиля Гарипова основала «Академию Ассистентов», когда убедилась, что предприниматели перегружены рутинной работой, а их помощники зачастую недостаточно компетентны, чтобы на должном уровне взаимодействовать со своими работодателями. С 2015 года её компания занимается подбором персонала и обучением ассистентов.

Она часто приезжает в Дагестан, поскольку ещё в 2018 году запустила здесь свою Академию. В интервью собеседница рассказала всё об этой необычной профессии и о том, как она пришла в неё.

– Дух предпринимательства проснулся во мне ещё в школьные годы. В 14 лет я покупала мороженое на хладокомбинате, размещала в городе небольшие холодильники (Танзиля родом из Ижевска. – Прим. ред.), нанимала продавцов и зарабатывала на этом неплохую сумму. Чуть позже, когда поняла, что мне нужен наставник, который помог бы разобраться, как вести бизнес, нанялась в качестве ассистента к двум известным предпринимателям. Со временем осознала, что на рынке острая нехватка бизнес-ассистентов. Это и подтолкнуло меня к идее создать Академию. Среди моих кейсов такие компании, как «Мэйл.ру», «Газпром», «Мерседес-Бенц», Минфин Московской области, правительство Москвы, множество клиентов по Северному Кавказу.

В итоге меня теперь даже называют мамой ассистентов.

*– Давайте проведём краткий ликбез для читателей. Кто такой бизнес-ассистент?*

– Это пушка-ракета, руки-ноги руководителя. Ассистент нужен, чтобы брать на себя всю рутину. Он должен уметь составлять рабочий график, договариваться о встречах, решать конфликтные ситуации. В общем, быть везде и всюду.

*– Перечислите качества, которыми должен обладать ассистент.*

– Ответственность, внимательность, желание работать и развиваться. Умение служить во благо другому. Ассистент – это человек, который полностью растворяется в рабочем процессе, живёт жизнью руководителя так, будто он очень важный член его семьи. А ещё ассистент должен обладать рациональным тайм-менеджментом, потому что у него много задач, и ему нужно сделать всё и сразу. Ну, и куда без крепкого здоровья? Иначе можно выгореть за пару недель.

*– Такие качества берутся от природы или их можно развить?*

– Их можно наработать. К нам приходят разные люди. Это могут быть мамы в декрете, секретари, бухгалтера, маркетологи. Однажды ко мне пришла бывшая прокурор Пензы, она у меня отучилась, и мы устроили её в «онлайн».



– Как часто было, что вы, поговарив с клиентом, понимали: «Он не потянет».

– Такое периодически происходит, и я таким людям говорю, над чем следует поработать. У нас в компании есть и приём заявок от руководителей: некоторые из них готовы работать с новичками. Кому-то нужен ассистент с навыками видеомонтажа, а кому-то – со знаниями по юриспруденции. Недавно пришла заявка

из Дагестана – ребята занимаются косметикой: «Танзила, нам нужен ассистент-бухгалтер». Соответственно, я буду искать помощника не из ассистентов, а из бухгалтеров.

– Скажите, а какова вероятность, что ассистент поднаберётся опыта и сам вырастет до руководителя?

– Пятьдесят на пятьдесят. Я – наглядный пример бизнес-ассистента, которая открыла собственную компанию. Ассистент может стать пар-

тнёром организации, где он работал, может запустить собственный проект, а может остаться ассистентом хоть до глубокой старости, скажем, просто расти в зарплате. Это тоже очень престижно.

– *Крупные предприниматели, вроде Илона Маска или Марка Цукерберга, любят говорить о своих полезных привычках, которые помогают им всегда быть бодрыми, креативными, успешными. У вас такие привычки имеются?*

– Куда же без них. Во-первых, это качественный сон и правильное питание. Во-вторых, работа над позитивным мышлением. Отсюда вытекает и третий момент: работа с окружением. Всех нытиков и негативщиков, всех, кто не верит в твой успех и ставит под сомнение твои навыки, – всех их за дверь.

– *Предприниматели, как правило, люди занятые. Остаётся время на досуг?*

– Конечно. Это путешествия, это чтение и написание книг (Танзиля – автор пяти книг, посвященных подбору бизнес-ассистентов. – Прим. ред.). Плюс парашютный спорт и дайвинг. А еще я пишу картины, занимаюсь пением, ну и, конечно же, я ещё молодая мама.

– *По вашим наблюдениям, как сейчас относятся к женщинам, занимающимся бизнесом?*

– Лояльнее, чем раньше. Женщины доказали, что они могут руководить и компаниями, и целыми странами. Женщин-бизнесменов начали принимать даже в восточных странах. У нас более мягкий, более детальный подход к руководству, чем у мужчин. А вообще, в идеале надо делать проекты в коллаборации М+Ж.

– *У вас с супругом так и получается?*



– Ещё нет. Наш единственный совместный проект на данный момент – это наша семья (улыбается). Но в будущем мы обязательно и поработаем вместе. А пока супруг меня просто поддерживает, и это придаёт мне уверенность. Ну а я просматриваю его проекты и даю ему какие-то советы.

– *Ну и под конец беседы дайте пару советов начинающему предпринимателю.*

– Первый: берите ассистента. Он сильно упростит вам жизнь. Второй: даже не смейте думать, что у вас что-то не получится.

*Руслан Бакидов*



# 1 июня – День защиты детей











ИНДЕКС ПМ827



4 651116 280082

Свободная цена  
6 +